

本草綱目拾遺

錦章圖書局
印行



本草綱目拾遺卷九上

器用部

番打馬 形長尺許內藏油膏外裹椶皮可代火把又可鞭馬番舶上來哈喇叭出○方輿勝覽做打麻

乃樹脂結成夜點有光塗舟水不能入華夷考曰做打麻乃樹脂流落膠汁土內掘出如松香瀝青狀

內有明淨好者都似金珀一般出滿刺加國 性專殺蟲不可服有毒入外科瘡瘍膏用 治陰癬救

生苦海用番打馬和鉛水銀雄硫樟腦各等分豬油和捺效○癩疥膿瘡積善堂良方麻黃膏中用之

○疥瘡救生苦海番打馬三錢楓子肉五錢水銀杏仁蛇牀子各一錢川椒樟腦雄黃各二錢用紅燭

蓋油共研勻擦之神效○治疥瘡應驗良方用全蠟乳香枯礬大楓子蛇牀子土木髓川椒雄黃水銀

番打馬輕粉樟腦為末用燭油為丸擦之即效此方番打馬作番答木 擦諸瘡并楊梅風毒經驗

濟世良方黃蘗去皮一錢黃連去蘆一錢川大黃五分三味另研雄黃膽礬青兒茶青黛輕粉枯

礬各二分冰片一分半另研入大楓子七個去殼去油人言壯人七釐弱者五釐用番打馬即番舶

打火把之物另為末瘡毒盛而人壯健能食者每分五分毒盛而人弱者每分用三分不健不弱之

人每分用四分和入前藥內研勻水銀壯健人每分用一兩中等人用五錢弱極人用三錢不可多

藥須研極細否則粒粗恐傷皮肉右先將水銀一分并前藥末一分入盞內加真脂麻油少許以指

研開逐漸添油研至不見水銀為度大約如稀糊可矣於兩手兩足掌後動脈處週圍擦之每一分

藥擦三日每日早晚各擦一次每次以七八百擦為止大率擦使熱透則住擦時凡週身破傷處俱

用無麝香膏藥貼之每日一換不可經風避帳幔內冬月用煖牀厚被褥即春夏秋暖時亦不可見

風擦至七日必口吐臭涎若口齒破爛出血者用黃蜂窩煎湯候冷漱解勿嚥下輕則用花椒湯漱

之擦處多皮破不可畏痛而少擦忌魚腥生冷發風等物及醋茶醬一個月尤忌房事其牛肉燒酒

團魚之類忌二三年若蕎麥麩與羊肉則終身忌之每次擦畢以藍布尺許包裹所擦處此治楊梅

風毒法也如楊梅瘡初發者擦五六日全愈所用藥皆同惟水銀止用四五錢足矣不必貼膏藥○

久遠膿瘡應擦處如有破爛可於腳手心擦之其藥料照中等者亦包布貼膏如前○下疳及蛙幹

重者亦照中等藥擦治貼膏○喉內瘡癬潰爛不能進飲食者亦照前用中等藥擦○遍身牛皮風

癬作癢作痛出水者亦照前用中等藥擦凡擦藥仍須內服煎藥兼之 煎藥方 防風荆芥銀花

防己白芷連翹苡仁白鮮皮桔梗川芎當歸赤芍生地黃連黃蘗知母牛膝木通陳皮羌活獨活粉

草梔子各等分加土茯苓乾者四兩鮮者八兩水六盞煎至三盞分三次一日早午晚服完自擦起

之日服至七日發口止虛人加人參二三錢 痔漏消管藥線 妙靈方用藥先用燈心試其深淺

頂至極痛處為率以藥條如式送入漏口三日後又試內根漸漸生肉條漸漸短用藥直至滿而止

玉簪花根白者佳焙乾四兩番打馬焙乾三兩馬兜鈴炒乾二兩慈石三錢煨紅醋淬三次共研極細末以麪打條或粗或細候瘡管用之通始化去始再插 廣瘡 仙遺拾珠用膽礬三錢阜礬石黃青黛各二錢番打馬二錢硃砂五分爲末豬脂一塊搗勻夏布包擦手足心候腹鳴卽止病自愈 膿窠瘡 慈航活人書斑蝥三個麻黃二錢番打馬三錢樟冰五錢臘豬油二兩先熬化次入斑蝥煎焦撈起再入麻黃煎焦撈起再加番打馬末同樟冰調勻搗破瘡頭以藥點上立時結痂次日全愈

老材香 山陝等省無漆民間棺殮俱用松香黃蠟塗於棺內數十年後有遷葬者棺朽另易新棺其朽棺內之香蠟名曰老材香土人用合金瘡藥按脂蠟乃先天流液之精又得土以固其力藉血肉餘氣以凝其神是一物合三才之用故入藥功效倍於他草木也○藥性考北地古棺中松脂合金瘡藥止血極效 治跌打損骨止血瘡血出生肌定疼神效盧氏仙方金瘡鐵扇散中用之 縛木藤 綱目藤部有省藤卽紅藤集解云堪縛物主治止血去風殺蟲無腦漏治法 治腦漏 急

救方用縛木紅皮藤燒存性爲末每用酒服三錢服後覺有一線從鼻至脊背而下股其腦漏隨愈一人一年服一次效 腸癰 經驗廣集凡腸癰生於小肚角微腫而小腹隱痛不止皮色不變是也紅藤一兩許好酒二盞飲醉臥午後用紫花地丁一兩許亦以好酒煎服後痛必漸止再服 敗琉璃淨子 係羊角所造有五色惟白者入藥佛前十餘年者良去淨垢垢新瓦煨研 退管漏湯

火傷乳痛 急救方用琉璃片燒灰存性食後酒服一錢卽消 救生苦海退一切管秘方手指甲炙黃研細象牙剉末研細山甲炙黃研細乳香沒藥俱炙硃砂水飛舊琉璃燈底佛前白者用三十年者佳如若難得十餘年者亦可用打碎麩炒爲極細末各三錢合勻再研用黃蠟四兩化和爲丸如椒大初服五粒次服六粒每日加服一粒加至十四粒止共服十日計服九十五粒至十一日每日減一粒至五粒仍舊逐日加上一粒加至十四粒又逐日遞減一粒如此週而復始或服至十四粒每從五粒服起更妙每日空心陳酒送下管漸褪出程盡爲度如若未盡再從頭服起神效秘之秘之 內消痞管秘方 陳直夫躬行錄載此方治痔管如神有一小兒從高墜下傷背脊骨月餘後生毒潰爛成漏蛔蟲從漏孔中出經云外癰透膜者生內癰透膜者死此症已屬不治直夫用此藥一料而愈亦奇方也凡諸般漏管皆可服不獨痔管耳琥珀燈心研末象牙屑焙血餘須自製蠟皮陰陽瓦合好泥封煨存性雨前芽茶舊琉璃底翦碎製法同蠟皮蟬蛻炒人指甲不拘手足俱可

用瓦上焙脆爲末穿山甲炒脆當歸白茯苓豬懸蹄甲殼夾翦翦碎製法同蠟皮蟬蛻炒人指甲不拘手足俱可 煮化和藥如不足加煉白蜜以上之藥各三兩小蜂房十個製同蠟皮火候更宜輕勿煨成灰蛇蛻十條剪碎瓦上炙煨自作汁將凝卽覆存性否則過性矣爲末同阿膠和搗然丸每日早午晚服三

錢滾水送下一料自愈已驗過數十人 痔潰成管 愈晚園鈔方地蛇龜活者一個泥裏擇朝南

牆下背陰處煨烟盡爲度去泥用多年白琉璃底一具琥珀象牙各三錢珍珠西黃冰片各五分爲

末摻之此藥亦可服每服九分 肺癰 傳信方陳年琉璃煨灰存性陳年油粟漆匠店有煉成和

勻酒服試驗神效 尿血 救生苦海用舊琉璃燈洗淨磨碎入磁罐內泥封火煨以紅爲度待冷

取出酒下三錢 輕粉結毒 救生苦海用舊琉璃燈燒存性研每服二錢毒在上者川芎湯下毒

在下者牛膝湯下輕者十日重者一月全愈。濟世方用佛前照過舊琉璃燒存性酒調下日一二

次一月全愈 凡人火燒 取廟中琉璃浮子松樹厚皮做的燒灰放地上上用盤覆蓋灰上存性

研末用紅糖真香油調傳 臘利瘡 百藥備遺用陳年佛前琉璃只取底用瓦上煨存性爲末真

麻油和茶 喉癰 選奇方用陳年琉璃煨爲末一錢加薄荷末白蓮砂各五分冰片少許和勻吹

入立愈 敗毒散 不問新久腫毒癰疽發背疔瘡皆治家寶方琉璃陳年破損者一個棟樹子四

兩舊髮網巾一頂鳳凰衣四十九個三七一錢敗龜板炙五個共爲末每服五分棟樹子湯下 男

女臙瘡 家寶方先用白蘿蔔打爛貼瘡口上一日一換三日毒血去盡再用後藥松香一兩杏仁

三十粒去皮尖油黃丹八錢輕粉五錢舊琉璃燈三錢火焙爲末研細麻油調搽一日一換數次卽

愈 癰疔 雲谷醫鈔多年佛前舊琉璃煨存性麻油調搽癰疔卽消 散結核 石臨初結核論

凡馬刀瘰癧一切結核用破舊琉璃煨存性爲末每服二錢取微汗此物乃羊角製成能癩節中結

氣佐以養血和榮清熱解毒之品標本並治乃佳。散結湯熱地當歸白芍川芎丹參丹皮柴胡桔

梗元參白蘘各等分水煎沖琉璃末同服 頸上癰瘡 舊琉璃燈燒灰菜油調搽神效長明酒

種福堂方治痔漏神效用積年舊琉璃燈洗淨油膩火煨研細以紅酒服四錢不過七日管自退去

瘡遍身漏 醫宗彙編云驗過良方用陳年琉璃底三錢入指甲麩皮炒一錢象牙末一錢辰砂

一錢蟬蛻去土五分沒藥去油八分白礬八錢如漏在上身加川芎六分在下身加牛膝六分共爲

細末以黃蠟三兩溶化入前藥和勻單手急丸如菉豆大初服七八丸每日加一丸至十六七丸止

無灰好酒送下上身飽服下身饑服最忌雞及一切有葱之物

油胭脂 藥性考油胭脂平豕膏合就潤膚胥裂活血點痘西北風高塗舒面皺不龜手藥古名非謬

○一名益兒胭脂用小錫盞盛故名色紅潤如膏。百草鏡製造油胭脂法紅花汁一杯白蠟二兩
微火熔化攪勻傾於磁盤內待成薄餅用碾麩杖碾數百遍則膠黏如膏藥矣假者係胭脂腳所造
不入藥治血解毒治疔塗蜂咬王氏準繩同珍珠末塗治疔瘡燕窩疔。救生苦海痘初起時預
免壞眼用臨清濟甯好油胭脂點眼大皆。普濟方有四聖丹治小兒痘中疔或紫黑而大或黑壞
而臭或中有黑線此痘十死八九惟牛都御史得秘傳此方點之最妙用豌豆四十九粒燒存性頭

髮灰三分珍珠十四粒炒研爲末以油胭脂同杵成膏先以簪挑破啞去惡血以少許點之即時變紅活也 乳頭破裂 油胭脂蛤粉水飛傳之不用蛤粉亦可 治疹子眼 眼科要覽用雞膽將

木套皮 古爲屐今名木套 治血風瘡 救生苦海用木套皮燒灰東丹礬各一錢爲末菜油和搽

火漆 火漆乃造胭脂紫梗水以染脂胚所漚之渣滓也紫梗本名紫鉞出波斯真臘南番等處有小蟲如蟻緣樹枝造成正同造白蠟一般吾杭造胭脂者藉以染製然第用紫梗一味則色不能紅必

須配以黃葉水同煎色始紅藍其餘之渣則火漆也入藥只須研極細用之中有枝梗不受研者篩去物理小識火漆一名紫膠 治血崩 救生苦海火漆不拘多少入無油淨鍋內令化炒黃烟

淨見白烟起退火取出研末空心時好酒和服三錢重者不過三服 腸風下血 不藥良方火漆三錢研細末以豆腐皮分包作三十包白滾水送下至重三服卽愈 九種心痛 神方考用火漆

一味燒灰存性每服一錢送下卽愈 七氣罌餅 此乃人家屋簷脊上用壓鎮不祥者以七小罌橫疊相聚如七星狀外以灰泥黏覆入藥

用年久者王子接絳雪園方罌小口瓶也七氣者日月風雨露霜雪也七罌人家多置古屋上廣漢前上層生餅年深者良火土結成堅剛性利復藉天之七氣能透骨入髓理傷續絕入藥取純鋼到

生剉末研至無聲水飛用。慈惠編接骨七釐散中用朝天寶卽人家屋上瓦將軍前小瓶也愈久愈妙必要取其朝天之得精華者研末入藥用 接骨丹 絳雪園方七氣罌口剉末水飛一錢古

文錢有半兩五錢自秦漢鑄紅銅者佳唐時開元錢亦可用火煨醋淬七次研至如塵粉無聲爲妙用五分與罌末和勻每服七釐先用甜瓜子仁去殼三錢嚼爛吐出拌藥再服下清酒過口此方用

七氣罌口古文錢功專腐蝕壞肉陳藏器云能直入損處鐸人斷骨甜瓜子仁開腸胃之壅遏通筋骨之機關因丹藥釐數微甚助以入胃轉輸爲丹藥之嚮導也

紅羯白羯 紅羯乃毛布今名羯子西人多以牛羊毳雜織而成以茜草染則色紅 治疔瘡 醫便用紅羯燒灰存性五錢樹上自乾桃子燒灰存性五錢爐甘石火煨黃色童便淬七次二錢五分共

爲細末臨搽入片腦少許其瘡先用椒葱湯洗淨再搽藥三次卽愈 血崩 醫便六合散治血崩不止諸藥不效用此立止此急則治其標也杏仁皮燒存性香附童便浸三日炒黑舊紅羯子燒存

性地薦子炒舊櫻薦燒存性壯血餘燒存性蟹殼燒存性陳蓮蓬燒存性共爲末每服三錢用酸漿草汁一鍾沖上熱酒一鍾空心熱服按此方初服反覺多以漸而少由紫色而紅以至於無卽止既

止之後用十全大補湯二十劑調補方斷根矣 走馬牙疳 祝氏效方黃蜆殼煨存性研末一錢五分黃連忌鐵器爲末五錢括樓根膽礬礬五穀蟲要昆全者佳瓦上煨存性紅羯燒存性以上各

五錢爲末加冰片二分和勻先以米泔水漱口連吹數次即愈吹後仍用泔水漱口淨去 治臍血
臍溼 救生苦海用紅錫燒灰油和傅或用裁衣店中百家碎五色布燒灰摻之 清香散 治癩

疾生牙疳潰爛臭穢 萬病回春用乳香沒藥孩兒茶輕粉炒象皮炒灰象牙焙黃紅錫炒灰珍珠
焙黃海巴焙乾各等分爲細末探患處立時止痛生肌如神

白褐 治小兒牙疳集驗方銅綠水飛雄黃水飛五倍子炒焦枯礬白褐燒存性烏梅肉炙乾細辛去
葉蘆炒焦胡黃連炒焦共入味各等分用老茶葉葱根煎湯以雞翎洗去腐肉見鮮血然後用此藥

搽上
習布 粵山錄出新安南頭習本苧麻所治漁婦以其破敝者翦之爲條縷之爲緯以棉紗經之煮以石
灰漂以溪水去其舊染薯蕷之色使瑩然雪白布成分爲雙單雙者表裏有大小絮頭單者一面有之

絮頭以長者爲貴摩挲久之歲蕤然若西氈起絨更好或染以薯蕷則其絲勁爽可爲夏服不染則柔
以禦寒粵人甚貴之亦奇布也 小兒服之可辟邪魅

舊帽沿 治疔毒 外科正宗下疳用油透羅緞舊帽沿燒灰杭粉瓦上煨黃色等分研極細先用紅棗
十五枚甘草三錢煎湯洗後摻之 金瘡 集驗方用舊瓊帽油口沿燒灰摻之愈

綿珠 綿有木棉絲綿二種惟絲綿製服則有珠新製衣每每有絲珠透出衣外周履端羣物奇制云伏
中裝綿布衣無綿珠秋冬則有以燈草少許置綿上則無珠也入藥用舊衣內綿珠取其襲人氣既久

其新衣透出衣外綿珠無用也 治蠍虎咬香油調塗神驗
紅絨 治疥 五錢血竭一錢乳香一錢爲末乾搽

粉 五分兒茶二錢
棉紗 養素圖方此乃草棉花所紡線也吳松人以之織布名曰棉紗本色者白或染藍靛作青色爲婦
人縫紉之用古用木棉今用草棉綱目服器部有綿乃絲綿故從絲 性平能透斑疹 傳信方風疹

斑瘡出不透快用白棉紗二兩檉柳一兩共煎湯浴之避風頃刻透發無檉柳以櫻桃核代之亦可煎
服 藍棉紗 此乃經靛染者煎湯解毒與藍汁同功

舊頭繩 百草鏡俗名紫根乃婦人以之紫髮入藥取油透棄去者良綱目有中及繳腳布而無此 治
紅絲疔蛇傷紫束肉上能令毒氣不透 小兒一切頭瘡 秦中用云燒灰油塗立愈 治難產 經

驗廣集用婦人舊頭繩一條燒灰加人參一兩煎服不論橫生逆生服之順流而下矣神奇不可思議
北雁砂 出關東菜豆色如珠顆粒擲盃中有響聲者真明目 治一切眼病 洪清遠方用明目砂五

分用鍼刺入紅者佳北雁砂三錢再用羊肝一具連膽不落水利開數路不要割開將二味砂爲末入
肝內以無灰酒二斤蒸熟煎剩二盃空心一服晚飯後一服以盡量爲度羊肝配之一服完不論眼病

上海錦章書局石印

內障外障黑暗不明無不神效

烏金紙皮金紙 江浙造紙處多有兩面黝黑如漆光滑脆薄不中書畫惟市舖用以裹珍寶及藥物

作襯紙又呼薰金紙以其熏黑搥研而光也 物理小識造金箔隔碎金以藥紙揮巨斧捶之金已

箔而紙無損紙初褐色久則烏金色○魏良宰云烏金紙惟杭省有之其造紙非城東滄佑橋左右

之水不成其法先造烏金水刷紙俟黑如漆再熏過以搥石研光性最堅韌凡打金箔以包金片打

之金成箔而紙不損以市遠方價頗昂值蓋天下惟浙省城人能造此紙故也 治下疳 集聽用

烏金紙銅杓內炒末加冰片少許塗 復明散 陳嘉木眼科要覽專治翳膜遮睛瞽者亦可復明

用七八歲童子口中吐出虻蟲一條用竹刀剖開清水洗淨將新瓦以炭火焙乾勿焦研極細末烏

金紙包好再用蓬砂四兩將虻蟲包藏其中一七日取出以骨簪蘸藥點眼一日三次後將骨簪腳

撥去眼中翳膜熱水洗之少頃又點點完此藥無不重明 治跌仆擦傷釘鞋打傷足跟病久蔭

皮金紙 又名羊皮金出廣東凡金箔店皆有售者呼皮金紙 治跌仆擦傷釘鞋打傷足跟病久蔭

瘡擦痛并凍瘡足跟癰爛流水凡小擦傷刀傷腫潰紅赤皮光潮溼皆效看患處大小以此翦取將

金面貼傷處過宿即愈毛世洪養生集 舊織紙 綱目有桐油織紙止言治蛙蝥陰瘡及疔瘡疔汗而已無他治法今補之 治纏腰丹 急

救方用舊織紙燒存性為末香油調傅 對口瘡 祝氏效方淡底白色者佳一兩陳織紙燒灰五

錢將烏梅肉一兩先打爛入末再加生桐油搗勻傅患處漸愈 發背立效方 周氏家寶千年石

灰研為細末鐵杓內炒紫色傾出磚上待略冷微有熱氣不可太冷太熱三錢大川芎研細末二錢

和勻入真麻油五六點用井水或河水調服遍身大汗出即散矣若遇惡瘡可加黑織紙灰三分照

前服 賺瘡 蔡毓晉方用人家蓋牆頭舊織須多年經霜雪者取織衣依瘡大小剪成一塊上用

木鍼刺洞貼上三日另換一張每日翻貼貼上三張即愈○集聽方賺瘡以輕粉豬骨髓研勻攤舊

織紙上貼之 周氏家寶諸瘡隔紙膏賺瘡經驗膏隔紙膏脫身隔紙膏俱用舊織紙夾藥貼

包烟紙 此乃烟舖內包烟外一層厚白紙係石灰槽浸造灰氣未去紙亦不韌止可包烟用各建紙

近人食烟以其紙擦烟筒頭嘴令銅潔白可擦錫器武原朱進士醒莽言北方朝士多貯此紙每日

清晨盥頰後以之拭面久之能轉黝為白令光發如玉 拭面去黝野汗斑美容顏發光豔

粗草紙 麻草紙 此乃稻草所造南貨店以之包物有厚薄二種厚者名銅板草紙入藥用 發疹瘡
百草鏡折角草紙半張南貨店包物厚者是也煎服較理柳尤透發 小兒臍瘡 不藥良方急
用大草紙燒灰傅之則不致變瘋癩或加枯蓉或再加龍骨燒灰等分入麝香少許撒之 腸風下
血 不藥良方粗草紙燒灰砂糖拌勻開水服 貝母團 經驗廣集治羊兒瘋百發百中用川貝

母去心一兩研粉用羅篩過鋪大草紙一百張一層草紙篩一下百張草紙篩百下然後用線縫之
入四盃水煮乾每清早取一張紙成團煨過滾湯泡汁飲之服盡全愈神妙無比

廁草紙 此乃坑廁中拭過糞草紙棄於地者同壽錄云傷寒內有一症名咯帶傷寒非用此不能除
也覓此紙四十九張燒灰爲末水二盃煎一盃去渣飲之效

酒罈上紙 此乃蓋封酒罈口上紙陳久者佳以其得酒氣多微爛不堅韌又脫去灰性也 治皮膚
間忽然血濺出同壽錄用此紙碎扯如楊花攤於血出處即止

燒酒草 此卽燒酒罈頭泥中之草慈航活人書有此一種入藥故補之 治翦刀風 活人書云其
症腰生紅瘰如物纏緊作痛用鐵挑出血取此草加鹽擦出汗即愈

古瓦 綱目土部有烏古瓦不言治癩毒 治小兒生毒 救生苦海已成形者用多年古瓦研末用
細茶葉煎極濃汁和傅留頭卽散 蟬拱癩 用瓦片火煨醋淬七次爲末菜油和搽 消渴 用

舊屋上瓦兩片洗淨搥碎以水煮濃汁食後溫服一小盞同壽錄

青龍背 龔廷賢回春云鍋蓋面上垢膩名青龍背可治瘰癧潰爛久不愈者用此入烏龍膏治之
烏龍膏 木髓帶殼炒存性去殼側柏葉焙人中血卽亂髮也燒灰青龍背紙錢灰飛羅麩各一錢

俱爲末好陳米醋調成膏塗瘡上外用紙貼

絹篩籬 今呼篩子有馬鬃織作底者有絲絹作底者入藥以絲絹者良 治過月難產 巢集有急
救過月難產仙方用陳篩籬底一個捲筒燒盃內與產婦服卽下如產生之兒身上皆有羅其驗如

神

陳年竹燈盞 治多年陰陽諸癩 救生苦海用陳竹燈盞油透者入尖底瓶內瓶口安一鐵絲鬚將
地挖一土坑內安大盃一隻將瓶倒覆盃上瓶底朝天週圍用礮糠填滿燒之取滴下盃中之油搽

之效驗○文堂驗集治癩多年油竹燈挂一個火上烤出油汁如膠者良另將五倍子去蟲炒研爲
末二味和一處用陳醋火上溫熱和勻搽之甚效 臘梨頭瘡 張子卿秘方集驗以酒飯店油透

陳竹燈臺一個劈碎裝於瓷瓶內口上用舊書鐵絲覆於瓶上倒轉下再用一空瓷瓶以此瓶合於
下瓶口上用火煨之其汁溜下取汁搽瘡其效如神腦漏 百草鏡竹燈絡子十年者須覓鄉村中

有油垢者勿淨煨成炭伏土存性研細每用一二錢包豆腐皮清晨滾水吞下陸續服盡自愈 腸
癰肚癰神效方 便易良方云右腳拘急是腸癰左腳拘急是肚癰取數十年舊油印竹燈臺俗名

善福以一隻燒半過不用水息悶合成灰研爲細末陳三白酒沖服二錢或三錢卽愈王站柱不藥
良方云此藥又治肺癰極神效

銅燈盞青 卽盞內之油垢起銅綠者入藥良 治燕窩瘡 救生苦海本名髮際瘡生頭枕骨下髮

本草綱目合卷 卷之九 器用部 煎草紙至肉臺上層 上海錦華書局印

盡處以銅燈盞內青垢刮下研爛擦之如神

料絲 物理小識滇金齒衛用瑪瑙石英屑汁以北方天花點之乃凝練爲絲以作燈近日丹陽松江皆能作料絲李西涯書作線絲大內青瑣卽此物 磨漿能止血破血

烏龍翅 汪連任草藥方烏龍翅卽焦火把零落泥土中經霜雪者佳 治足爛至凶者燒炭油搽燒

斑痧炸神鬼神效

船篷箸 治耳內腫爛脹痛 救生苦海用多年船篷箸燒灰存性加冰片少許研細吹入

洋船璞 此乃海船底中間有櫂木舟人名曰龍骨藥生其圓形如菌草乾之人藥 治胃脘疼痛按

潘之恆廣菌譜舵菜卽海船舵上所生菌也不可多得果爾則宜入蔬部留以俟考

櫓繩 治爛串。毛世洪經驗集凡乳癰串爛年久不愈洞見內腑深陷不愈者取搖船之櫓上首手

捏之處舊藤繩剪下以陰陽瓦上煨末竹管紮細篩日日搽之如乾處以香油調搽不過半月全愈

漆盤上漆 治羊眼漏 救生苦海此症生足脛骨上生一孔無膿無血惟流清水大痛用多年漆盤

刮下漆燒灰摻之愈

油木梳 木梳以木製成用以通髮黃楊木者能清火石楠木者理風其器以此二木造者爲最餘雜

木及駝骨牛角等梳不入藥或曰牙梳可辟邪阜角木梳不腫髮柏木鉛梳皆能烏髮總不若常用

黃楊石楠二木爲佳也綱目梳篦合一不分所載治法亦夥惟油梳尚遺其功用因補之 治肺痿

救生苦海油木梳須二三十年者一個燒存性滾水和服甜酒亦可 治五滯 同壽錄以多年

木梳燒存性空心冷水調下男用男梳女用女梳神效 拗頭 海上名方此病俗呼落枕乃頸項

夜間悞落枕下或偶被閃挫血滯而強作酸疼以舊油梳火上烘熱梳背於疼處極力刮之自愈

誤食螞蝗 俞潛山云曾誤食此腹中作瀉不時疼痛瀉血以黃土漿水他藥試之多不效有教以

取多年舊油梳燒灰酒調服一夕蝗皆化水而下真神方也

衣帶 治蛇纏 救生苦海用繫腰帶煨存性研細和好醬塗或加水龍骨和柿漆水塗

刀鞘 治中惡腹痛 救生苦海將小頭燒過伏土取少許研細傅之立愈

舊竹筴 治蜈蚣傷 救生苦海將小頭燒過伏土取少許研細傅之立愈

草鞋鼻上布 綱目屨屨鼻繩下有草鞋鼻無取布法亦不知其有發瘡之功今補之 治兒患瘡疹不

發取破草鞋鼻上所衰之布七八條煎湯服立效如神周寶生醫通

機上草辦 楊春涯驗方治白蛇纏此物以陳爲好燒灰存性麻油調搽紅蛇纏亦治

肉臺上屑 綱目故木砧條列几上屑止言治噤瘡唇耳等瘡乾霍亂蟲牙等症急救方言其治手毒如

神因急補之 治手掌連虎口邊腫毒用豬肉臺上刮下木屑如膏作餅貼患處卽愈 吐血 慈航

活人書醃臘肉店中切肉木墩上刮取肉垢火上燒枯勿令成白色存性研末酒沖服 狗咬 楊春

涯驗方刮取切肉墩上油垢和沙糖拌傳神效

盛米栲栳 爛籬底 治血厥 楊春涯驗方用二三十年盛米栲栳一隻擊碎煎湯服一二次即消

衣年久則爛 截經 同壽錄云婦人行經不止服此可截用頭紅花爛籬底爛入搭草鞋鼻子運

房此四味俱燒灰存性共為末每服一錢黃酒送下不過三服其紅立止

砂壺 出宜興紫泥者佳入藥吸毒用取其口光滑而薄不傷肌肉也 治傷寒不出汗用吸法以二

破爛拔毒法將先破處麩糊作餅貼上用小砂壺二個燒酒煎滾去酒以熱壺口覆於麩餅上熏瘡

如拔火壺一樣壺冷又易一壺如此數次將毒氣拔盡即愈熏後用豬膽熬成膏貼瘡口此方神效

○治獸蟲咬傷并風寒一切毒用砂燒酒壺二個盛大半壺燒酒先以一壺火上令滾無聲傾去酒

即按在被口上拔出汚黑血水滿則自落再以次壺仍按瘡上輪流提拔以毒盡為度俱見經驗廣

集按王站柱不藥夏方治瘋狗咬傷用砂壺吸法與此同吸後再拔去頂上紅髮即愈

靈鶴盞 李金什會客淮南言山陽一帶洲渚皆蘆葦產鶴多卵育於中村人有能識其期者俟鶴下

卵後竊歸入鍋煮熟急以涼水沃之看卵殼不熱復置其窠鶴不知而尤照伏之過三七日其卵中

黃白復鮮如故又竊之歸急煮而又納窠鶴又伏之如是者三次則鶴卵外殼厚如紫玉而盃成矣

復竊之歸鋸去其頂外則鑲飾金玉令成盃形名靈鶴盞注酒其中輒有一小鶴影浮酒上云食之

益壽延年且能治心疾不易得有市者價亦不賈 安神魂定心忪小兒用之除驚癩孕婦用之養

胎稀痘出外帶之辟蛇蟲及一切毒

花簪 楊春涯驗方治乳癰初起時將女人頭帶花簪對向日中打圍口中默念天上一朵黑烏雲地而

女子害乳疼我今特授金簪上金簪化去永不疼如此七遍將簪交付婦人圍患處即好

小兒破鞋 接骨 家寶方用市鎮上乞小兒破鞋一隻燒灰白麩等分好醋調成糊傳患處以絹束之

杉木板夾好須臾疼止骨接有聲為妙

夏布舊蚊帳 江西麻布染藍入夏作蚊帳名夏布今人以此舊帳作漆器坯最佳 治走游風 王化

九筒便方用青夏布舊蚊帳燒灰存性麻油調傳如再發再傳 陰奇癢難忍 不藥良方用青夏布

舊蚊帳燒灰存性麻油調搽即愈

廁上椽木尿管 此即毛坑上椽子多年為糞氣熏漬其解毒之功不下糞清也 治紅絲疔 敬信錄

紅絲疔先將鐵挑斷其絲將多年糞坑上碎木椽子煨灰研細用飴糖拌塗留頭疔即拔出 尿管

小兒破鞋 夏布葛帳 廟上漆木 白秋霜

治手足瘡無力不能收口家寶方用多年尿浸爛白色木板煨存性為細末加冰片摻之立時收口
白秋霜 萬表積善堂方白秋霜即多年糞缸底結成白霜須經風雨者入藥炭火煨紅醋淬九次用
網目人部溺白涎為人中白乃溺涎也且所列主治及附方皆無接骨治傷之說特補其缺 治跌
撲損傷閃挫骨傷極重者研極細末每服五分好酒調下 萬表 陳海曙云凡多年廟坑底石板背
後有白胎如雪結其間鑿取微有穢氣陳久亦無然糞力透石故其精華凝聚於此能清火毒○王
聖俞云一名糞霜會見小兒疳瘡初愈者忽然肺燥咽乾脣裂目中出火滿面紅赤此火毒壅遏未
化滯於上焦每服此藥一二錢不數日全愈○敏按蔣儀藥鏡云泥宿糞坑之底疔腫發背止痛當
塗而霜又其精華也大抵清火解毒功用亦不甚相遠

本草綱目拾遺卷九中

禽部

燕窩素燕窩

一名燕蔬菜從新云出漳泉沿海處有之乃燕銜小魚春壘之窩中人取之聞小記云燕
取小魚黏之於石久而成窩有烏白紅三色烏色品最下紅者最難得能益小兒痘疹白色能愈痰疾
泉南雜志閩之遠海近番處有燕名金絲者首尾似燕而甚小毛如金絲臨卵育子時羣飛近沙汐泥
有石處啄蠶螺食之蠶螺背上肉有兩肋如楓蠶絲堅潔而白食之可補虛損已痢勞症此燕食之肉
化而筋不化并津液嘔出結為小窩附石上久之與小雛鼓翼而飛海人依時拾之故曰燕窩也似此
則形狀功用時候族類俱有可信○嶺南雜記燕窩有數種日本以為蔬菜供僧此乃海燕食海邊蟲
蟲背有筋不化復吐出而為窩綴於海山石壁之上土人攀援取之春取者白夏取者黃秋冬不可取
取之則燕無所棲凍死次年無窩矣○香祖筆記燕窩紫色者尤佳○崖州志崖州海中石島有玳瑁
山其洞穴皆燕所巢燕大者如烏啖魚輒吐涎沫以備冬月退毛之食土人皮衣皮帽乘炬探之燕驚
撲人年老力弱或致墜崖而死故有多獲者有空手而返者是為燕窠之菜○粵錄海濱石上有海粉
積結如苔燕啄食之吐出為窩壘巖壁之間島人俟其秋去以修罕接鉗取之海粉性寒而為燕所
吞吐則暖海粉味鹹而為燕所吞吐則甘其形質盡化故可以消痰開胃云凡有烏白二色紅者難得
蓋燕屬火紅者尤其精液一名燕蔬以其補草木之不足故曰蔬榆肉產於北燕窩產於南皆蔬也○
宦遊筆記燕窩出南海日本諸國春間取者色白為上秋間取者色黃次之一種微黑而多毛是揀擇
所遺者價亦不能廉怯症人久服之亦能潤肺止咳功等參苓○查浦輯聞南燕歸海外水邊難達因
啄小魚肉作窩口銜之而飛飛倦即投窩水中棲止其上少息復銜之而飛故東南風則飄掠近岸人
就取之○阮葵生茶餘客話許青巖松信方伯語予云燕窩產海島中窮巖遂谷足力繩竿之所不及
估船養小猿猴善解人意至山島間以小布囊繫猿背上縱之往升木深巖盡剝寒囊中而歸猿之去

也苦不得食三數日始返海客以果餌充囊中俾之遠出不饑拙者出卽割塞囊中歸而傾囊不過數片爲果餌占地也其點者將果餌傾巖竇間剝塞滿囊盡燕窩矣空而復去尤爲便捷猿一值數百金價數倍於拙者云許謹齋黃門每晨起食燕漿燕窩一巨觥以融軟爲度謂他人皆生食也終日不溺 味甘淡平大養肺陰化痰止咳補而能清爲調理虛損勞瘵之聖藥一切病之由於肺虛不能清肅下行者用此皆可治之開胃氣已勞痢益小兒痘疹可入煎藥或單煮汁服○從新云今

人用以煮粥或用雞汁煮之雖甚可口然亂其清補之本性豈能已痰耶有與冰糖同煎則甘壅矣豈能助肺金清肅下行耶○物理小識燕窩能止小便數○逢原云甘平無毒烏銜海粉作窩得風日陽和之氣化鹹寒爲甘平能使金水相生腎氣上滋於肺而胃氣亦得以安食品中之最馴良者惜乎本草不收方書罕用今人以之調補虛勞咳吐紅痰每兼冰糖煮食往往獲效然惟病勢初淺者爲宜若陰火方盛血逆上奔雖用無濟以其幽柔無剛毅之力耳○張石頭云暴得咳嗽吐血乍

止以冰糖與燕窩菜同煮連服取其平補肺胃而無止截之患也惟胃中有痰溼者令人欲嘔以其甜膩戀膈故也○食物宜忌云壯陽益氣和中開胃添精補髓潤肺止久瀉消痰涎○嶺南雜記紅色者治血痢入梨加冰糖蒸食治膈痰 何惠川云翻胃久吐有服人乳多吃燕窩而愈者 老年痰喘 文堂集驗方用秋白梨一個去心入燕窩一錢先用滾水泡再入冰糖一錢蒸熟每日早晨服下勿閒斷神效 噤口痢 救生苦海白燕窩二錢人參四分水七分隔湯頓熟徐徐食之立效

素燕窩 月湖筆數近時素食中盛行一種素燕窩甯波洋行頗多形白而細長空心虛軟儼如食舖中餛子而細有七八寸至尺長不等望之晶瑩握之輕虛每三十餘枝作一束廚人買得湯沃之卽起脹蕤然凝白類官燕以入素饌爲珍品食之亦淡而少味不知何物造成或曰糯粉山穀爲之何以見沸湯反脆美或曰銅鉛之苗產海外深山食之可明目近日始知有用者不知然否附記 俟考 北硯食規有製素燕窩法先入溫水一盞伸腰卽浸入滾過冷水內俟作料配菜齋集

另鍋製好箴籬撈出燕窩將滾湯在箴籬上淋兩三遍可用軟而不糊牛爛用 解食烟毒

石燕 粵語產西樵巖穴中大如乳燕足生翼末綱目石燕條引日華子本草無治疔之說今廣人用之頗驗故補之 治兒疳小兒羸瘦取食卽愈諺曰嬰兒瘦探石穀卽此

蝙蝠腦 李氏蝠腦丸中用之治癰疽內陷服之能令毒不攻心
石錘 張氏日鈔乃大鵬之精也鵬獨運無雌海靜不波之日見影在下以爲雌也其精溢出墮土上爲土錘木上爲木錘惟石上爲不失本性最佳或墮水中以婦女袒衣投水自能躍出 按石錘乃慎恤膠之類 浸酒服壯陽令人有子以薑酒解之

鷓鴣涎 鷓鴣形如鷲而色黑面紅俗呼摸魚公水鄉人家多養之以捕魚十月後飼以狗肉則身暖

不畏寒雖破沐入水亦不瘳死 治腎咳俗呼頓嗆從小腹下逆上而咳連嗽數十聲少住又作甚或咳發必嘔牽掣兩脇涕淚皆出連月不愈者用鷓鴣涎滾水沖服下咽即止 蛋 能打胎有不欲留孕者取一個白水煮服胎即化為血水從小便出多則二服無有不驗

翠鳥舌 翠鳥即魚翠也其舌大而可用網目魚狗下止言其肉可治魚骨哽而附以翡翠亦云方書無用此者其功效大約相同今爲補其舌之用 鐵頭風 集聽翠鳥舌一個以桐油浸曬乾又浸又曬硬如三棱鐵方病發時將鳥舌於頭上亂鐵即愈

白鷓鴣 珍異藥品文首白翼黃足 治疔痛

鬱雞 珍異藥品出廣中○孫硤川云此物在山中多食鬱金苗故肉鬆脆 解鬱散結氣

鶩雞 出廣中雞頭而鳥喙色黃腹毛純黑尾長下垂鳴聲鶩鶩性嗜蛇其哺子時取雛折其兩足乃以蛇飼之三日即復展折屢復 捕食之能治骨節折傷

雪雞 生西陲千百成羣棲止雪中西域聞見錄喀什噶爾雪雞羣飛極肥美人以爲食惟性燥耳入藥雄者良 煖丹田壯元陽除一切積冷陰寒痼癖之疾較雪蓮尤效

洋鴨 宋排山柑園小識洋鴨種出海洋形如鴨紅冠羣羽馴而善飛雄者重至十斤雌者如常其性淫雌雄相交日必四五次故房術用之卵大如鷄子味極美以母雞伏之約一月餘則雛出矣雛極易長大 助陽道健腰膝補命門煖水臟

烏鴉膽 此乃慈烏之膽浙東最多悉體肥黑而大所在多有予門人奉化徐朋圭居白巖其地山僻徑幽古木叢雜言其土人有取鴉膽者云烏鴉膽汁晝則散注身身故精聚而能見烟膏外物夜則汗歸於膽取之法須伺鴉夜睡時乘其罔覺以利刀斷其頭急剖腹取之膽汁全飽並無漏溢然後以線穿陰乾入藥用若取之不得法或鴉被驚覺縱殺得其膽亦空皮無汁不堪用 明目開瞽功勝空青點

青盲最驗解藤黃毒 爛弦風眼及翳障 不藥良方烏鴉膽點之即愈

鷓鴣毛屎 選 蛋殼 腿骨 棘管 綱目鷓鴣下載其毛治射工毒通氣辟癘開噎其屎治小兒鷓鴣口蒼鷓者可傳蟲蛇咬而不知毛可治癩屎更治犬咬悉爲補之 治癩毒 集驗方用鷓鴣毛煖灰一兩明礬二兩研末麩糊爲丸每服二錢好酒下 大麻風 赤水元珠參毛丸治大風神效苦參一斤鷓鴣

毛八兩煖存性爲末陳米糊爲丸桐子大每服五十丸酒送下一日二次 神功至寶丹 王秋泉家傳秘方專治男婦溜膿肥瘡膿窠瘡膿梨頭遍身風癩癧疹疥癬瘙癢異常麻木不仁諸風手足酸痛皮膚破爛陰囊癢極并婦人陰癢溼癢酒丸散擦藥洗貼如神隨病上下茶湯送下日進二次戒暴怒房勞灸燻發毒之物苦參一斤爲末鷓鴣毛香油炒存性六兩黃米糊丸硃砂爲衣此方與元珠治大風風所用大同小異因並存之 按鷓鴣白者能疎風瀨湖謂其氣味俱厚發風發瘡莫此爲甚

而駭毒醫通以爲疎風大悞殊不知鷺能發瘡生淫火熏者并發火毒宿疾害識有之而疎風之功亦不可盡誣至其毛與肉則性尤不同本經逢原云昔人治癩風方中取純白鷺通身之毛及嘴足之皮與肺肝內皮固濟煨灰存性和風藥用之爲風藥之嚮導也然不可遺失一處遺一處卽不能愈又不可用雜色者若有一處色蒼風愈之後其處肌膚色黑正取其疎利而不燥能和風藥之熾烈而不用蒼色者以純白鷺無毒耳 絕胎方 保和堂秘方用血管鷺毛燒灰百草霜各一錢行經後酒調下終身無孕○又周氏家寶方用鷺毛一把煨細茶煎湯經後服永不生此二方雖存不可輕用 寶生論有受打不痛法用血管鷺毛七根地龍七條煨過同乳香白蠟爲丸好酒送下治瘰癧初起 傳信方白鷺大者二隻取週身毛翎并口腳黃皮新瓦焙焦爲末分作十服每日食後服之服完卽愈 治腫毒 救生苦海用血管鷺毛一握銅鍋炒焦腐皮包裹酒吞下卽內消初起者效○諸腫毒痛甚有膿卽潰無膿卽消用鷺毛燒灰一兩雄黃三錢川烏草烏各錢半黃蠟鎔化入前藥爲丸每服一錢好酒送下嚴氏方 諸毒內消方吳涵宇用鷺毛二個炒蜈蚣十條醋炒穿山甲一兩炒蠶蠶一兩炒全蠍五錢洗廣膠二兩炒桑黃二兩炒羊角屑二兩炒共爲末每服三錢砂糖調好酒下以醉爲度 發背疔瘡對口風毒 醫宗彙編穿山甲蛇蛻蟬蛻蜈蚣俱爲末鷺毛全副燒灰存性全蠍血管雞毛二翅燒灰人指甲用十分之一敗龜板一個蠶蠶俱爲末每用一錢酒下 慢吞銅錢及鈎線 慈惠方用鷺毛一錢燒灰慈石阜角子火煨象牙一錢燒存性爲末每服五分新汲水下 艾火帶 乃灸火所傷爛痛不可忍同壽錄用雉雞毛同鷺毛燒灰傳之效 喉癭癰 傳信方用鷺毛灰三分兒茶二錢牛黃三釐雄黃一錢人中白一錢半煨存性如吃深加珍珠煨存性一分爲末先將生桐油採刷一番後用藥吹入加膽礬更妙

鷺屎 救生苦海治犬咬以鷺屎傳之不爛痛

鷺涎 綱目止咳治咽喉癢賊今人治小兒鷺口瘡甚效

鷺蛋殼 急救方癰疽無頭用新生鷺蛋殼燒灰存性爲末醋調傳立出膿血妙

鷺腿骨 奇效方犬傷日久發者用鷺腿胫骨煨存性研末摻之

鷺喉管 家寶方治喉症用鷺喉氣管一個陰陽瓦炙黃色冰片一分共爲細末吹二三次數 治赤白帶 家寶方取鷺水喉管煨存性研末酒調臨臥服之

鷺吐毛 鷺條 百草鏡鷺每日食雀時連毛與食肉化而毛不化聚成一團如芡實大次早吐出收用入藥綱目有鷺毛無吐毛故補之○按鷺稟西方兌金之氣其性猛烈而竄捷故余居士以其頭治

眩運王肅以其糞治食哽皆取其得庚辛銳氣一往無滯反胃之症食而復吐久積於胃不能運化故旋出大概由於憂鬱者居多取此復吐之意而又得其爽猛之性爲治其義精矣 治反胃煨存

性研 醫方集驗查將軍家傳噎膈方用牙烏灑出毛肘卽鷹吐鳥毛也要七個不可落地用布接在架中微火煨燥爲末服之管內凡喂毛肘但在下午次日天明卽吐出最易得不可使肘落地落地則不驗 鷹條 本經逢原云鷹屎中化未盡之毛謂之鷹條入陰丹陽丹用不特取其翻之善脫以治難脫之病并取屎中未化之羽以消目中未脫之瞖可謂妙用

雄雞卵

茅崑來云雞本南方積陽之象於卦爲巽五更則日臨巽位故鳴凡鳥雌卵而雄否惟雞則

雄者間亦生卵乃陽極而陰乘之其卵較小於雌雞卵殼堅如石殼色微紅入藥用可安胎稀痘○

王城秋燈叢話古北口叭噠嶺有喇嗎令巡檢張某市雄雞卵張笑曰雄雞馬能生卵故相雞也曰

非也俗有斯言卽有斯物第覓之可得也張漫應之語其役役曰聞前村民畜雄雞連生三卵眾以

爲不祥姬異而藏之命役取送喇嗎收其一給價五十金張詢所用曰能醫眼疾年遠醫者得其汁

點之卽復明與空青同○陳藏器本草今雞有白臺如卵而硬有白無黃云是牡雞所生名父公臺

二申野錄成化二十三年吳縣湯惟信家雄雞生卵平湖縣志萬曆四十八年四月施太史家公雞

生子形如雀卵色紫史異纂天啟二年陝民王進榜家白雄雞生卵三岡識略壬申二月二十九日

提標左營韋元鼎廨中雄雞連生二卵述異記康熙甲戌十二月松江吳南林家雄雞生卵大如鴿

蛋殼甚堅厚椎破之亦有黃白白如凝脂不散黃帶赤色○質直談耳嘉定湖南村民錢嵩家雄雞

生卵與雌無異乾隆壬寅夏間事○紀曉嵐先生云雄雞卵大如指頂形似閩中落花生不能正圓

外有斑點向日映之其中深紅如琥珀以點目皆甚效德少司空成汪副憲承霈皆嘗以是物合藥

然不易得一枚可以值十金阿少司農迪斯曰是雖罕睹實亦人力所爲以肥壯雄雞閉籠內縱羣

雌繞籠外使相近而不能相接久而精氣團結自能成卵此亦理所宜然然雞秉巽風之氣故食之

發瘡毒其卵以盛陽不洩鬱積而成自必蘊熱不知何以反明目又本草之所未載醫經之所未言

何以知其能明目此則莫明其故矣汪副憲曰有以蛇卵售欺者但映日不紅卽爲僞托亦不可不

知也 敏按諸書所載雄雞生卵自古有之原非有異據陳藏器所說有白無黃而述異記所載則

有黃有白想本間氣所生其形色亦無一定乾隆庚戌臨安慈聖寺有放生雄雞忽生卵日產其一

如是旬餘人以爲異其卵較小色紫而殼堅爲一錫匠索去予時適館臨安聞而索之已無有矣錫

匠徵人亦云其卵白可入藥故乞之歸里然此物又不特入藥李懷白先生云曾見喇嗎誦黑經用

雄雞蛋川中鬼師有用雄雞蛋以行禳者白蓮教則又需以解魘迷衛今人徒咤其異而不知天生

本草綱目拾遺卷九下

獸部

獅子油血糞 辛温有毒色微黑者眞善透經絡凡用勿多○沈良士云塗指甲上涼透指甲者眞又方

以黍許入沸湯湯即不沸者眞○逢原云獅爲百獸之長性最難馴一吼則百獸辟易爾雅言其食虎

豹熊太古言其乳入牛羊馬乳中皆化成水西域人捕得取其油入貢以供宮人滌除衣垢之用又能

去紙上墨跡刮少許隔紙熨之即脫子嘗試用垢雖去而衣易毀紙易脆僅供一時之用雖係方物方

藥罕用近世醫者以之治噎膈病蓋噎膈皆鬱疾痰積所致用取滌痰之意試之輒驗由是方家爭爲

奇物但性最猛利力能墮胎孕婦忌用象油亦能去垢滌痰但不能去墨跡耳○椿園聞見錄温都斯

坦西域一大回國從葉爾羌西南行百日可到其國西隅有巨澤圍數千里澤中有山圍逾千里萬峰

聳峙高入雲天或曰人間第一高山也名曰牽各里麻騰達喇斯山中產獅子於新月皎潔輒負雛於

山中往來頭大而毛虬尾形帶黃質黑章如虎皮長六七尺時登山絕頂望月垂涎咆哮跳擲狂飛吞

月有飛去八九里十餘里而墜死山谷中者其國人以豢養獅子爲上戶每當秋月其汗使人取獅以

精鐵作柱大如瓮密布層遮圍畜之於中飼以牛時而吼如雷霆滿城震動人畜不甯取之法擇炮手

之最精者開地爲阱人匿其中遇有負雛者來乘其不備發炮斃之而取其雛倘一炮不中則拋山裂

石而人無噍類矣○張葦漪有此油云熬之可挑絲一二尺不斷他油則不及也○陳海曙曾在京邸

簡親王府見獅油堅如石絕如雞卵白潔可愛 朱排山柑園小識獅子油白膩如豬肪氣味俱薄利

小便凡人小便不通雖腹脹莖痛病在危急者以酒或白湯送下三四釐或半分即通嘗有一丐因受

暑熱遂致小便不通每月一發發至二三日後莖痛如割至不可忍屢投繯祈死人以獅油少許投之

片刻即通奏效之速無逾於此而本草不著其功用何哉豈當時未知用歟第虛秘者似宜酌而用之

○敏按獅油性最猛烈內服尤不可單用更勿多服嘉慶元年三月子友邵某得獅油少許因病欲服

之未果爲一鄉人轉乞去市於人獲重價其人市得服半黍許夜半而死鄉人懼罪亦投水死蓋外用

不妨內服尤宜審慎以人之腸胃太弱不任峻利之攻削耳 消熱結治膈大小便不通 救生苦海

用獅油酒服二三釐自效

獅血 沈雲將食物會纂獅血殺百蟲燒之去鬼氣

獅糞 王沂堂藏有獅糞一段用鐵匣盛之四圍以鐵屑養之其形至堅如鐵石磨之作紅色云非鐵屑

養則易朽爛也 治一切腿足下部惡瘡年久不愈者塗之即痴而落

象糞 象白尾毛 按象有家野二種京師者食俸料滇廣山產者食竹木雜草入藥以野象糞良京象

糞銷皮坊皆多取濺黃貂黃狼能令毛黑如漆綱目象下凡牙肉睛皮膽骨俱入藥不及其糞爲補

之 治鷲掌風以象糞燒熏自愈 起死回生散 李文炳經驗廣集治痘瘡至七八日忽然變黑

收入腹內遍身抓破吭喘死在須臾服此從新另發出立可回生當歸川芎白芍生地升麻紅花上

本草綱目合遺 卷九下 獸部 獅子油至虎脛骨 上海錦章書局石印

陷加白芷下陷加牛膝通身黑陷加麻黃象糞微炒如一歲兒用二錢大兒用至三五錢右剉一劑水酒各半煎服從新發出腳下黑疔至七八日用鍼挑去以太乙膏貼之卽拔去毒連進二三服
瘟疹 良朋彙集方治小兒大人出瘟疹回在心胸作喘發燒用象糞八錢升麻二錢水二鍾煎一鍾服卽刻透出

象白 乃象交於水其精浮水面象房人用磁瓶收貯入藥傳面不皺亦可入房藥用

象尾毛 通雅云今人剔牙杖極重象尾謂可去火

犴血 孫含謫云有客自川中來帶有犴血言此獸乃星禽爲天上井宿五百年一降於世以濟人其降也必於蜀降之前三日天乃大風振屋拔木爲降犴風左右村落居民知犴必降悉遷避之求鐵工造蓮萼箭鏃如橄欖形而窪其中鏃上刻名以記犴降之日形如胡犬有鱗大十倍於象首必朝歲星躡踞不動土人從其後射之矢集其身如猬三日後乃去遺矢於地各認所鑄以歸矢人無爭者其鏃頭有血一塊大如欖核可入藥土人亦甚珍寶之不輕售自明洪武時曾一降至今幾四百年所珍藥亦罕有存者縉紳舊族或有之亦寶同和璧矣 治一切陰疽發背一切大毒凡癰疽必死之症無藥可救者每以一釐潰則傳膏外貼未潰則調酒服一夕自愈合治癰等藥一斤加入分許卽奏效如神

醉虎油 膽 脂 三岡識略壬子正月初十日福山戍卒遇一醉虎縛獻王大將軍轅門將軍剖肉

分贈郡紳之小兒食之可以稀痘按虎食人與楊柳及狗者醉 宦遊筆記載山人捕虎法云虎嗜食犬食之必醉如人中酒虎匿深谷峻嶺往來不時難尋其跡人以劣犬縛於山凹犬嗥不已虎聞聲而前果腹而醉不能遠去人迹犬血而捕之則無所遁矣此縛醉虎之法也 主稀痘

虎油 物理小識虎一身皆入藥而本草未載虎油之功效愚於獵戶取其油以塗臘梨瘡一二次卽愈亦可治大痲瘋○藥性考虎油療禿塗狗咬傷五痔下血反胃酒嘗

虎膽 治打傷垂死飲食不進前後不通乃瘀血在心命在旦夕可用此方虎膽五分去外皮用老黃酒在盃內研細爲末白茯苓二錢爲末用熱陳酒調灌下出可不死矣

虎脂 治打碎頭骨蓋方用虎脂一兩浸好熱酒內俟化勻服之汗出爲度如患處青者不治 反胃 不藥良方虎脂八兩清油一斤瓦瓶浸一月密封勿令洩氣每以油一兩入無灰酒一盞溫服以

瘻爲度油盡再添 按虎膽虎脂脂綱目雖載其用而未言及入折傷料之用此二方出錫山華氏經驗錄並屢試有效故補其說以濟急

鹿胎乳餅 瀕湖綱目鹿條精髓筋胎糞俱各備載張璐逢原另列鹿胎一條頗詳辨可採錄出以補其遺略曰胎中鹿其嘴尾蹄胎與生鹿無異者爲眞其色淡形瘦者爲鹿胎若色深形肥者爲麋

胎勿誤用能損真陽又獐胎與鹿胎相類但色皎白且其下層不若鹿之長於上層也其他雜獸之胎與鹿胎總不相似也入藥取真者酥炙黃用氣味甘溫無毒鹿性補陽益精男子真元不足者宜之不特茸角整胎入藥而全鹿丸合大劑參耆桂附大壯元陽其胎純陽未散宜為補養天真滋益少火之良劑然須參耆河車輩佐之尤為得力如平素虛寒下元不足者入六味丸中為溫補精血之要藥而無桂附辛熱傷陰之患但慎勿誤用藥胎反傷天元陽氣也

鹿乳餅 苔陰札記孝豐深山產鹿土人計其產子時輒於夜半伺其洞側鹿乳子必五更乳畢出洞至暮方歸每日祇乳小鹿一次小鹿食乳於腹結十二小餅每一時輒消一餅土人候母鹿出洞即將乳鹿抱歸剖腹出餅持貨遠方為珍藥價值兼金其餅如雲南棋子大色微黃乾者作老黃色腥氣最烈食之大能強陰益命門火衰於老羸最宜理怯弱虛損發痘瘡通女子乾血勞

鹿脛骨 綱目鹿脛有骨乃指全體而言至脛骨不聞有用法今時醫有斑龍散純取其脛為用因載其方以補之生肌收口救生苦海用斑龍散取鹿脛骨溼紙包固灰火煨之以黃肥可研為度若焦

黑色者為過性勿用摻大毒生肌甚速

猴經 入藥名申紅深山羣猴聚處極多覓者每於草間得之色紫黑成塊夾細草屑云是母猴月水乾血也廣西者良治乾血勞

大豕胎糞 史長惺有不服藥而點眼發汗方以初男胎糞煉而升之加冰麝磁甕收有當發汗者男左

女右以乳點之臥即汗出本草所未載小識云大豕初生糞者可合煉不必定嬰孩也

獐油 獐即獐字所在山澤有之穴居食蟲鼠劉仲旭云北直河堤一帶尤多穴岸而居最為堤防之患守河兵卒多捕之一說獐入蟄時必食蜂始過冬不飢有人於初冬發其蟄穴得獐破腹其肚胃中猶有蜂糞腹中皮為蜂螫輒厚數寸或藉此不飢此說亦未可深信堤民得獐脂多市煤厥作地燈非此不可他油輒為地風吹滅惟獐油作燈能禦地風也入膏中拔溼如神繆仲淳廣筆記

趙府膏藥 中用之治頭上白禿集驗用獐油火烤擦三四次即愈如年久者恐不生髮以枸杞子煎湯飲痔瘡劉怡軒云一切內外痔獐油塗上立效效血胸中哽噎恍惚如蟲行者不

藥良方 豬糞油入酒和服或下或吐或自消也

海狗油 海狗出遼東登州海中即腥膈獸也綱目載腥膈不言及其油之用故為補之○蓬萊李

金什言其地登州海口出海狗皮可作裘帽俗美其稱曰海龍即此其腎乃藥中腥膈膈上人取海

狗名曰打狗此物晝夜潛海底惟孳乳時登島產子稍大即相率入水人不可得須冬月極凍時海

崖水口結冰天晴海狗羣出處冰上曝日必候其臥冰時驟入水以木棍擊其腰方可得之若冰裂

或步履有聲非其睡時皆不可得然每年打狗墮水溺死者亦多因利重人亦不惜軀命以往性

本草綱目合遺 卷九下 獸部 猴經 大豕胎糞 獐油 海狗油 狐屬 上海錦章書局石印

熱而降善消利治三焦濁逆之氣能清水臟積寒停飲觀近海人取鰾魚海參者用其油滴海面海水即清見底砂石畢見可知其性之分利也 近有人自關東帶來其油綠色如乾糊以塗駝家即愈次年不復發其性熱烈可知

狐麝

金沙江志產東川昭通二府較常屬香氣尤烈佩之辟邪絕惡夢定魔

獾糞

綱目獾條載其尿治魚臍瘡及下痢而已不知有消痞之功今補之 王氏檢秘消痞用獾糞

一兩 天南星 三錢 麝香 三錢 共研末醋調塗上即愈

狼脂

本經逢原云狼性追風逆行故其糞燒烟能逆風而上燒灰水服治骨鯁以其性專逆行而無阻滯也狼脂厚風首推而本草不錄亦一次事按周禮冬獻狼取其膏聚也內則食狼去腸古人以為食品綱目獸部狼膏下瀕湖僅據飲膳正要載其能潤燥澤肌塗惡瘡而已不知其大功用乃能驅風散逆結之氣何可味耶故急補之 入風氣膏中能去積久風痹調酒服散逆結之氣

山羊血

油糞 常中丞筆記山羊生平樂山崖間能涉峻坂躡捷若飛其血可治跌損傷及諸血症凡跌撲死者未絕氣以一分許調酒飲之遂甦神效立見第捕甚難每見人則決驟而去馳迅非常非足力所能及必密布繩網草間胃其足始能生得之刺其心血待乾凝結成塊可以攜遠蓋凡血皆患凝滯山羊踰高懸險旦夕不休則其血活矣而心為主故心血最良語云流水不污戶樞不蠹觀此益信○本經逢原云山羊產瀘蜀諸山中性善走逐好鬪肉能療冷勞山嵐瘴病婦人赤白帶下其心血類湖綱目失載苗人取血法以麋竹通節削鋒利活刺心血收乾者良宰取者不堪用○柑園小識山羊血產廣西諸土郡山羊似羊而次善鬪能上絕壁每登高處失足或至骨折少頃如故喜食三七苗其血主治損傷極妙輕者服數釐重者二三分以心血為上身血次之色黑有光而質輕者為真○陸祚蕃粵西偶記試山羊血取雞血半盃投一粒過宿變成水或以久凝臭雞血一塊投入山羊血過宿反變成鮮血乃真○瀕湖綱目云山羊御野羊也一名獠羊非今之家山羊也時珍於山羊主治條僅載其肉之功用不及油與血之用此並附之○今人收得乾血成塊者必用糯

米養之云可久留不枯 性温味鹹無毒逢原云為和傷散血之神藥其治跌撲損傷單用酒服取醉醒其骨自續每用不過分許不可過服雖不耗傷元氣而力能走散陰血然必初患便服得效最速若過三五日血凝氣滯無濟於治矣價等牛黃心血亦不易得滲血丹用之真虛勞失血之續命丹也○藥性考山羊血味鹹療跌撲損傷咯吐嘔衄便溺諸血能止血消瘀和酒服其皮作茵褥愈筋骨疼痛角作火罐灸頭風以入水一絲不散者真 吐血 蔣莘田經驗方臨臥時用廣西真

山羊血每服三分能引血歸源不過二三服其血自止 黎峒丸 治跌打及一切癰腫天然黃八

分牛黃四分冰片四錢三七四錢血竭四錢兒茶四錢麝香四分沒藥四錢阿魏二錢雄黃二錢藤

黃四錢孩兒骨一兩山羊血製浸藤黃入藥共爲細末煉蜜爲丸如龍眼大陰乾外用蠟爲殼封固

三白酒服 祝氏效方 山羊血能解鮮菌河鮑毒傷損惡血治痘內無漿不起發○集驗良方用

眞山羊血三分用甜酒釀調服痘漿立起 太乙神鍼方 人參四兩三七八兩山羊血二兩千年

健一斤鑽地風一斤肉桂一斤眞川椒一斤乳香一斤沒藥一斤穿山甲半斤小茴香一斤蒼朮一

斤眞蘄文四斤甘草二斤麝香四兩防風四斤以上共爲細末用綿紙一層高方紙三層紙寬裁尺

二寸五分長一尺二寸將藥末薄薄鋪勻在上一鍼約用藥七入錢緊捲如花炮式務要緊實兩頭

用紙封固外用印花布包面亦要齊整好看此鍼能治一切痛風寒溼筋骨疼痛諸症用時將鍼以

火焯者或按穴道或在痛處下襯以方寸新紅布數層將鍼按上若火旺布薄覺疼多墊布數層但

鍼必須三四枝一鍼已冷再換一鍼連進七鍼無不立驗 治喉癰 喉症惟此最遲久則失音不

可救種福堂方西牛黃一分眞山羊血二分川連五分血珀三分冰片一分蓬砂一錢青果核灰三

分燈草灰五分共爲細末每一茶匙藥用一茶匙蜜調放舌尖上徐徐嚥下一日五次兩月可愈或

加蛭虻梅灰更妙 馬氏交棍神方 吉雲旅抄山左馬家市夾棍藥極效方用蝻蛇膽二錢山羊

血一錢半琥珀一錢大白頸地龍七條去泥珍珠三分辰砂一錢兒茶八分金箔一帖爲衣爲細末

蜜丸桐子大金箔爲衣每服一錢五分好酒下如不打夾者用刀破皮藥自出 治急心痛 集驗

方用山羊血一分燒酒化下 中遇邪鬼 醫鈴此症乃陽氣衰而陰甚治須急補其陽以存正氣

則陰邪自平卽或治痰然亦當加意補正爲本人參二錢當歸六錢白朮一兩菖蒲二錢半夏三錢

白芥子三錢丹參五錢阜角刺五分山羊血八分附子一錢此方用山羊血阜角刺爲開關聖品以

通邪祟之要路半夏白芥消其寒痰無寒之侵斷不中鬼大用參以扶其陽陽生陰滅此不易之理

也 救絕仙丹 石室秘錄此丹專救五絕及有邪祟昏迷一時卒倒者皆可灌之以起死回生實

神奇之極宜端午日脩合備用濟急大可救人山羊血三錢菖蒲二錢人參三錢紅花一錢早刺一

錢製半夏三錢蘇葉二錢麝香一錢各爲末蜜丸如龍眼核大酒化下 敏按山羊血以產滇黔及

蜀者佳以其地深山多三七苗及理血定風諸草山羊每食之嗣人追逐得之山羊本迅躍無一刻

之停其體血自頂貫尾終日旋運如飛又被逐捕則躁性頓發血隨氣運矯捷尤甚黎嗣人捕得以

竹鎗刺入其心取血用此上品也其血成條深紫有光以少許入水中自然旋運如飛蓋矯捷之性

猶存也若網取刀割而得者血色黯滯入水亦不能迅捷他省產者亦能如峒苗之合眾追逐令其

騰躍上下而後刺取其心血用亦可較次於滇黔山羊血惟今之各處所獲山羊皆用網取其或鎗

斃而後剖其死血以爲充血則力微性緩更有以他血代充者則尤屬屬質無用故今市中每多

此物高索重價非親歷其地眞知灼見而得者勿用也

山羊油 張卿子秘方集驗治主心痛用山羊油不落水者荷葉包裹掛風處陰乾不可著雨遇此症取三五錢沖熱酒服不飲酒者滾湯亦可并治諸疝 按文堂集驗主心痛用山羊血其言與此同然細釋文義有不落水句則用油非血矣文堂誤以油為血故並正之南方亦有山羊但不及粵產者其血尤為迅捷也

山羊糞 山羊糞同水粉各一升浸一夜絞汁頓熱午刻服治疝痢 祝西蒼本草山羊屎煨灰療潰爛

生肌 入外科收口藥用 祝氏效方大棗丸用山羊屎曬乾入鍋炒炭存性研細收斂每久爛不堪將見內腑者以大棗去皮核搗爛如泥後入前粉搥至成丸每服四錢黑棗湯送下此物大能斂潰爛諸口神效無比 山蓮散用大活鱒魚一尾破腹去雜以山羊屎塞實魚腹放瓦上慢火炙乾存性研末加麝香一錢封貯如遇潰瘍爛見內腑止膿一膜者以此藥摻上立愈 雷頭風 祝氏效方云諸藥不愈惟山羊糞炒炭研粉甚效歌曰雷頭頭裏震山羊糞有緣酒送二錢下不在腦門喧 治心痛不論遠年近日 玉泉方山羊糞七粒油頭髮一握同燒為末好酒和服永不復發

石羊膽 廣東通志石羊色黑類人家羊而矯捷其角燒紙為火罐能收頭風其皮作得可愈筋骨疼痛其血能療跌打損傷猶秦中山羊也○肇慶志石羊出高要山中似羊而高大長角厚耳此羊一孔三毛服用柔而能久 內兄朱問亭官粵寄石羊膽一對盛以銀匣大如小指以絨線繫其一頭乃乾者據言此物不易得試驗之法以此膽囊掛胸前急行不喘者真治折傷勝於山羊血也 治一切目疾勞眼青盲人乳調點風火防風汁調點此物去翳障如神水調亦可 跌撲功同山羊血 曹閏亭先生會宦黔中云邊邑皆產石羊形小如兔趨捷難獲有得之者須即破其腹取膽少遲則裂於腹內矣其膽乾之可療肝厥暴絕酒服一二釐即甦其心血能治真心痛頗有效骨皮熬膠去風活血如神

山狸 坤輿圖說利未亞國有山狸似麝臍後有一肉囊香滿軀病就石上剔出始安其香似蘇合油黑色療耳病

犀牛皮 物理小識近有從舶上來者此真是海犀其皮入藥 治風活血最效

貂尾 貂出西北塞外食松栗即南中松狗之類其行捷穿樹枝如飛蓋以尾為用者故其力在尾綱目貂鼠條止載其皮毛拭目去昧而遺其尾故為補其功用 凍瘡用貂尾燒存性為末搽爛處自愈未破者用舊貂皮毛煨研香油和搽養素圖驗方

七葛 回疆志出伊犁西香一帶用馬乳裝皮袋內以繩縮口手捉袋提壓半時許放於熱處一夜即成名之曰七葛飲之熱而補人若日日服之有返老還少之功云 性熱補虛羸長力怯弱者宜之

香鼠 珍異藥品云出雲南形如鼠僅長寸許周櫟圖書影云密縣西山中多香鼠較凡鼠小死則有異香蓋山中之鼠多食香草亦如獐之有香臍也山中人捕置篋筒中經年香氣不散桂海志云至小僅

如指掌大穴於柱中行地上疾如激箭 治疝甚驗

鼠血 此乃家鼠血綱目於鼠下獨遺鼠血今補之○本經逢原云生鼠血蘸青鹽擦牙宣有效壯者

貓尿胞 胎 尾血 白松香 取蒜片擦貓牙溺卽下 鳳聯堂驗方治偷糞老鼠用貓尿并底泥

貓胞衣 爲治腸噎之神藥瀕湖綱目貓下雖附胞衣惟引楊氏經驗方治反胃吐食燒灰入硃砂服

其他概未之及焉且取之有法食之有忌均爲補之 隔噎 同壽錄用貓初生胞衣以新瓦焙乾

研細末每服一二分好酒送下口合竹筆管睡恐咬牙及咳嗽米不下者五六服卽愈取貓胞法貓

將產以木枷柳之恐生出卽食也忌燒酒 翻胃 鳳聯堂經驗方貓胞衣三個好酒洗用豬肉四

兩淡煮熟服之數年者立效○莫際華云胃脘痛非服貓胞不能斷根 金御乘云貓胞衣凡患小

產婦於產後或爲糞或爲末食嗣後卽不小產極驗

貓胎 祝氏效方治癱痺用貓胎一個泥裏煨存性菜油調搽

貓尾血 不藥良方急驚風翦破貓尾滴血沖滾湯下

白松香 汪連仕云卽瓦上多年貓糞色白火煨用治鹽哮喘厥厥作痛更理痘疫鼠瘡立刻見效

浙驢皮膠 黃雲盛言近日浙人所造黑驢皮膠其法一如造阿膠式用臨平寶莊水煎熬而成亦黑

色帶綠頂有豬鬃紋與東阿所造無二入藥亦頗有效蓋阿膠真者難得有浙膠則較勝於用雜膠

也寶莊在臨平湖西岸有寶莊泉土人名爲大力水云食之多力向聞虎跑泉水注大岳中平口投

錢於中能吞一百六十青錢而水不溢他水至八十已浸漫於外矣故虎跑泉食之益氣力寶莊水

能吞二百青錢不溢其力更可知以此水作膠自可敵伏流之濟水然予每索此膠於市遍詢藥客

皆云造者亦少不易得而雲盛言之甚詳姑存之以備異日考証 補血潤燥功同阿膠治內傷腰

痛強力伸筋添精固腎尤別有殊能也

霞天膏 綱目畜部牛下附倒倉法而無霞天膏製法近時用之頗多故附錄之本草經疏亦載爲專

品其法用肥嫩黃牛肉三四十斤洗極淨水煎成糜濾去滓再熬成膏用繆仲醇曰胃屬土爲水穀

之海無物不受胃病則水穀不能以時運化羈留而爲痰飲壅塞經絡則爲積痰老痰結痰等症陰

虛內熱生痰則爲偏廢口眼歪斜留滯腸胃則爲宿飲癖塊隨氣上湧則爲喘急迷悶流注肌肉則

爲結核王隱君論人之諸疾悉由於痰然而痰之所生總由於脾胃虛不能運化所致惟用霞天膏

以治諸痰証者蓋牛土畜也黃土色也肉者胃之味也熬而爲液雖有形而無濁質也以脾胃所主

之物治脾胃所生之病故能由腸胃而滲透肌膚毛竅搜剔一切留結也陰虛內熱之人往往多痰

此則由於水涸火熾煎熬津液凝結為痰膠固難散者亦須以此和竹瀝貝母橘紅蘇子栝樓根枸骨葉之類消之或以橘皮白茯苓蘇子白豆蔻仁半夏蒼朮為麴治脾胃積痰或以橘皮貝母蘇子栝樓根及仁蓬砂為麴治積熱痰結 味甘溫無毒主中風偏廢口眼歪斜痰涎壅塞五臟六腑留痰宿飲癰塊手足皮膚中痰核繆氏 經疏

羊哀 形圓如彈大小不等產羊腹在胃中惟山羊有之胡羊不能成也蓋羊食百草其精氣聚於胃久則成此物俗呼百草丹亦牛黃狗寶之類牛黃細膩而疎鬆且香烈故以黃名狗寶花白而堅凝如石故以寶名此則如爛草團成輕鬆而氣膻人多惜其不能如牛黃狗寶之精美而亦產於羊腹

得日月精華又食異草孕結乃不堅重香凝僅成此物故哀之因名曰哀○常中丞宦遊筆記載軍營於羊腹中得石子名鮮荅形如鴨卵色紫黃兩頭有二白圈圓如黃豆腰有束帶寬如韭菜色青藍束帶上亦二白圈質細如玉滋潤如水輟耕錄亦載蒙古求兩取淨水一盆浸石子數枚持咒播弄其石子名鮮荅產畜腹中牛馬皆有不必定羊也而羊哀又與鮮荅異鮮荅堅重細潤此則輕鬆羶臊亦無束帶白圈庚戌冬友人李金什在臨安西關外屠羊肆見屠者剖一羊胃中忽湧出一彈如鴨卵黃勻圓光潔浮水盆上購歸示予予曰此羊哀也氣臊而鬆非鮮荅之類彼云屠者呼為百草丹云業此三十年止取得三枚亦不易遇也此物惟山羊始生因山羊食百草偶嚙得異草或石乳其膏液注胃中日久凝成胃為精氣往來之所日為氣運動故所結之物多圓如丸鮮荅結於腹不為氣擾動故形圓如石金什即以此贈予予復取細視其質鬆而亦堅嗅之作羊臊氣外則色澤光膩儼如油潤其體質非石非酥如腐草融結始信說略所載羊哀如溼茅紙之說為不謬因附記於此以待折衷於格物諸君子按百草鏡羊脰結成在羊腹中色微黑可治反胃或即此歟 解百草藥毒治噎膈翻胃 敏按慈航活人書端五日收羊尿名百草丹可絕瘡與羊胃所積草有別不可不知

兩薰嘉鄉肉 陳火腿骨 豬項上靖蜒骨 雄豬眼梢肉 製火腿法 俗名火腿出金華者佳金

華六屬皆有惟出東陽浦江者更佳其醃腿有冬腿春腿之分前腿後腿之別冬腿可久留不壞春腿交夏即變味久則蛆腐難食又冬腿之中獨取後腿以其肉細厚可久藏前腿未免較遜蓋金華一帶人家多以木甌撈米作飯不用鑊煮飯湯醃厚者以飼豬其養豬之法擇潔淨欄房早晚以豆渣糠屑餵養兼煮粥以食之夏則兼飼以瓜皮菜葉冬飼必以熟食調其饑飽察其冷暖故肉細而體香茅船漁戶所養尤佳名船腿其腿較小於他腿味更香美凡金華冬腿三年陳者煮食氣香盈室入口味甘酥開胃異常為諸病所宜○東陽縣志薰蹄俗謂火腿其實烟薰非火也醃臘薰收如法者果勝常品以所醃之鹽必台鹽所薰之烟必松烟氣香烈而善入製之及時如法故久而彌旨

另一種名風蹄不用鹽漬名曰淡腿補江爲盛本邑不多○陳遠夫藥鑑浦江淡腿小於鹽腿味頗淡可以點茶名茶腿陳者止血痢開胃如神○陳芝山食物宜忌火腿醃過涼燥高挂至次年夏間者愈陳愈妙出金華府屬邑者佳○常中丞筆記蘭蕪金華豬腿也南省在在能製但不及金華者以其皮薄而紅熏淺而香是以流傳遠近目爲珍品然亦惟出浦江者佳其製割於冬月用鹽勻稱使肉堅實不敗最上者曰淡腿味美香潔可以佐茶各處皆無此製蓋此地畜豕闢園清潔俟其將茁壯時卽宰剝醃曬或曰其豕種原異他處而又得香溪等水飼之亦近乎理○陳瑤藏藥秘訣凡收火腿須擇冬醃金華豬後腿爲上選皮薄色潤日照之明亮通體隱隱見內骨者佳用香油遍塗之每個以長繩穿脚排勻一字式下以毛竹對破仰承以接袖置之透風處雖十年不壞倘交夏入梅上起綠衣亦無害或生毛蟲見有蛀孔以竹簽挑出用香油灌之如剝刺者須用鹽塗切口肉上荷葉包好懸之依此可久留不壞○朱氏僕葛三言少時會備金華習其業知醃腿法甚詳云火腿金華六屬皆有總以出浦江湯家村者爲第一村止一二千戶皆養豬作腿其豬不甚大極重者不過七八十斤製爲腿乾之不過三四斤或五六斤不等四時皆可醃惟冬腿爲第一冬醃者皮細無粟眼手摸之潤膩切開無黃騰爪彎可久留不蛀他時者皆易蛀春腿多粟眼夏腿爪直秋腿皮粗醃法每腿十斤用炒鹽四兩以木刻植如人手掌狀搽鹽後用掌揸輕輕揉擦四圍兼到俟皮軟如綿然後入缸缸面蓋以鮮蓼竹匾覆之待七日後有渣翻攪一轉令上下勻再以炒鹽四兩如前法以手揉醃入缸十日後出缸卽用缸中原汁洗淨一一以草繩縛定挂懸風處惟冬醃者不滴油味鹹甘性平○陳芝山云和中益腎養胃氣補虛勞○陸瑤云生津溢血脈固骨髓壯陽止泄瀉虛痢尋勞怔忡開胃安神 藥性考火腿鹹溫開胃寬膈病人宜之下氣療噎腹痛或三四日不止○筆苑仙丹火腿肉煎湯入真川椒在內撇去上面浮油乘熱飲湯立愈果驗久瀉○救生苦海陳火腿腳爪一個白水煮一日令極爛連湯一頓食盡卽愈多則三服此予宗人柏雲屢試屢效之方也百草鏡云火腿出浦江縣脛骨細者眞陳者佳皮上綠徽愈重其味愈佳須洗去垢及黃油用

嘉香肉

食物宜忌云又名家鄉肉出浦江者最佳○藥鑑云家鄉肉金華屬邑俱有之秋卽醃給客

販入省城市賣其肉皮白肉紅鮮氣香美不似他處醃豬肉色少鮮澤也但一入杭城店便加消滷投缸中浸透然後出售蓋不爾則肉味淡反不美而秋時尚暖不漬透消滷又易腐臭也肉爲消滷食之恐乏補益不似火腿冬醃陳久者爲佳然今店中所售火腿均以家鄉肉腿風乾至次年皮上起綠衣充陳火腿賣人多不察若療病作食餌須眞金華腿方有效也 味鹹甘性平○陳芝山云補虛開胃○百草鏡云平肝運脾和血生津○藥鑑云滋腎健足力 敬按芝山所言乃未經杭肆滷漬之內故能補虛若經滷漬透便能燥肺凡肺痿陰虛咳嗽者恐非所宜產婦虛勞須補者亦忌

其肥肉得消滯入腹即成痰體肥作痰者亦不宜多食倘食之作痰杏仁研食可解 附 治箭鏃不出方 家寶方用陳年醃肉去皮取紅活美好者同其肥細切剉濃將象牙未及人所退爪甲為末共為研細拌入所剉肉內再為勻割令其合一厚傅箭鏃周圍約一飯頃其鏃即自迸脫竟有迸至二三尺遠者

陳火腿骨 百草鏡云燉黑研用治食積及痢 治痢 救生苦海用陳火腿骨二根炭火煨灰篩過

加上白糖一兩米湯飲或滾水或酒調服無不效○又方治赤白痢陳火腿骨灰陳皮炙草各一兩

為末蜜丸如綠豆大空心服一錢白痢用薑赤痢用白湯送下○神錦方生火腿骨焙燥研極細末

無灰酒送下即止○醫林集秘用陳火腿骨煨灰六兩飯鍋巴煨灰五兩砂仁炒三兩南山檀炒五

兩共為末每服三錢久痢人參湯下紅痢紅糖湯下白痢白糖湯下糞痢炒焦白朮三錢煎湯服霍

亂吐瀉藿香湯下 噤口痢 筆珠萃火腿骨煨一兩蓮肉二兩木香七錢烏梅三錢醋糊為丸桐

子大每服七丸鯁游湯下 大人小兒積食諸藥不能消者 不藥良方陳年火腿骨煨黑色研末

三錢用火腿一斤煮熟去汁上肥油取清湯一盃將末送下 鼠咬 救生苦海陳火腿骨燒灰香油

和傅 小兒臘梨瘡 販翁醫要陳火腿骨燒灰如瘡加礬少許麻油調傅不生髮用老薑擦

豬項上靖雙骨 燒灰塗一切頭項疽毒凡腦疽鬚發對口等症麻油調傅立愈 王聖俞手集

雄豬眼梢肉 能拔毒散毒滯劉羽儀經驗方治對口瘡用雄豬眼梢肉三錢剉爛如泥加滑石末四

錢和勻傅患處頂上以膏藥蓋之拔去瘻肉放出黃水即愈

製火腿法 李化楠醒園錄有醃火腿法每十斤豬腿配鹽十二兩極多加至十四兩將鹽炒過加皮消

末少許乘豬鹽兩熱擦之令勻置大桶內用石壓之五日一翻候一月將腿取起晾有風處四五個

月可用金華做火腿每斤豬腿配炒鹽三兩用手將鹽擦完石壓之三日取出又用手極力揉之翻

轉再壓再揉至肉軟如綿挂風處約小雪後至立春後方可挂起不凍○戴羲養餘月令有製火腿

法十一月內圍豬方殺下只取四隻精腿乘熱用鹽每一斤肉鹽一兩從皮擦入肉內令如綿軟以

石壓竹柵上置缸內二十日次第三番五次用稻草灰一重間一重疊起用稻草烟熏一週時挂在

烟處初夏以水浸洗仍前挂之按此乃村鄉土醃火腿法要不及金華之薰薰也然較之杭市醃臘

店所買火腿則又不啻霄壤矣故並載其法○造火腿醬法用南火腿煮熟切碎丁如火腿過鹽先

用水泡淡再煮去皮單取精肉用火將鍋燒得滾熱將香油先下滾香次下甜醬白糖甜酒同滾煉

好然後下火腿丁及松子核桃瓜子等仁速炒翻取起磁罐收貯其法每腿一隻用好麪醬一斤香

油一斤白糖一斤核桃仁四兩去皮打碎花生仁四兩炒去衣打碎松子仁去衣四兩瓜子仁二兩

桂皮五分砂仁五分

鱗部

胞蛇 雲南志順甯府出胞蛇見人則斷人去復續取而乾之可治腫毒○滇黔記遊出滇黔土司長尺餘伏草莽見人輒躍起跌數段頃復合一色如白金光亮悞拾之觸毒即斃○陳鼎蛇譜胞蛇產貴州土司中長尺有二寸圓如錢嘴尖尾秃背黑腹白暗鱗點點可玩見人輒躍起數尺跌為十二段須臾復合為一不知者悞拾之卽寸斷兩端俱生頭齧人卽斃出入往來恆有度捕之者置竹筒於其逕側則不知而入其中急持之方可完稍緩則碎矣故名曰胞子家多蓄奇藥曾購得其脂見寸斷處皆光潤如新截然亦一異也○查慎行人海記胞蛇出崑崙山聞人聲卽寸斷人伺其斷鉗取之須寸各異處待風乾入藥若少頃無人聲寸寸仍續成蛇 治色癆及驚疑喪膽諸症玉鏡新談肉熬膏箍癰疽去風癩其骨醋磨圍腫毒良 接斷骨 滇黔記遊胞蛇人得而腊之用接斷骨價值兼金視其上中下治頭腹脛股無不效 大麻風 痢 滇黔記胞蛇一名片蛇產順甯大候山中長二尺許遇人輒自斷為三四人去復續乾之色如黃金治惡疽腫以上用首以下用尾又治大麻風及痢近人貨之為夾棍藥

環蛇 蛇譜云出三佛齊國如環大數圍至數十圍者逐獸卽疾走如轉車輪於千仞山獸入環中卽斃其口眼俱生環之半與尻相對 脂 服之刀劍不能傷

翠蛇 珍異藥品云形如曲蟾長可五六寸蟠旋作圈 治癩毒癰疽良

碧飛 湖州府志武康山多蝮蛇名碧飛大者如團嬰小亦如杯案斧首出目鋸齒方文而綬色厥雄赤紫厥雌青黑色畦煇如蜃甲光目亦如之山中人謂有目而無視也春夏布絲草篠人物觸絲激射迅於矢忽不見已攫肉去矣殺人至死霜降絲脫升高樹杪施吐白涎烏鵲下啄則吞之惟鹿以為膳獵獲之前左足扼其腰中首尾盤繞右足又趾寸解咬無餘者人得而腊之可入藥凡西北諸山自餘英嶺而內皆是物也 治風痺瘰癧傷人被其齧者還食其肉則生 敏按湖志所言碧飛吾杭山鄉多有之土人名方勝板以其遍身花紋如錦中方勝形區似板故名嚙人最毒惟野豬能食之土人言冬日蛇蟄地中野豕嗅其氣輒翻石掘土出而啖之蛇性大熱野豬食三條卽能過嚴冬綱目蝮虺為二虺卽方勝板虺卽土錦俗呼灰地匾是也惡風頑瘳非此猛烈積熱之性驅之則肢廢者不能復舉殆以毒攻毒之義想碧飛或同類而異名者書此以俟証

鱗油 爾雅鱗王蛇注蛇中最大者故曰王蛇今深山處處有之大小不一色如菜花蛇而較黃頭上皆有王字亦有黑色者土人名曰烏鱗捕蛇者有呼蛇法不拘何種蛇呼之卽至末後俟鱗到則諸蛇皆圍伏不動聽其擇取惟不敢傷鱗鱗傷則諸蛇無主環起噬人聞其人云鱗蛇自有此種生而皆有王字故不論大小也鱗至則諸毒蛇皆不敢傷人治漏瘡 集驗取鱗油銅鍋內熬熟隨將黃蠟入油內

攪勻油紙攤膏貼患處十餘日便封口全愈按蟒蛇名王字蛇其首天生有一王字子於庚子在奉化長橋見丐者手握此蛇乞錢其蛇亦不甚大性頗馴良因以千錢買得縱之綱目諸蛇獨遺此因急補之

斷草烏 粵志斷草烏出廣中蛇也大僅指許長五六寸頭如龍形而小身純烏其行也百草沾之立斷人見斷草輒跡得之故蛇每離地丈許使身如矢直以入穴使不沾草人莫得而跡之此亦烏蛇中一種綱目烏稍蛇不載龍頭者一種故錄其遺 治大麻風煮酒服

龍涎香 龍池 通雅龍涎有嶼在花面國傍獨立南海中彼人言於樹收之最收香氣今大內甜香用之

○澳門記略大食國產龍涎香為上西洋產於伯西見海焚之則翠烟浮空結而不散坐客可用一翦以分烟縷○嶠南璣記龍涎香新者色白久則紫又久則黑白者如百藥煎黑者次之似五靈脂其氣近燥和香焚之則翠煙浮空不散試法將結塊者奮力投沒水中須臾突起浮水面或取一錢口含之微有腥氣經宿其細沫已噉餘膠結舌上取出就溼秤之仍重一錢又乾之其重如故雖極乾枯用銀簪燒極熱鑽入枯中乘暖抽出其涎引絲不絕驗此不分褐白褐黑俱真海東札記海翁魚大者三四千筋小者千餘筋即海獸也皮生砂石刀箭不入或言其魚口中噴涎常自為吞吐有遺於海濱者黑色淺黃色不一即龍涎香也聞上淡水有之欲辨真贋研入水攪之浮水面如膏以口沫撚成丸擲案有

聲噲之通宵不耗分毫者為真每兩值數十金廣志新安有龍穴洲每風雨即有龍起去地不數丈朱鬣金鱗兩目如電其精華在浮沫時噴薄如澹泉如雨土人爭承取之稍緩則入地中是為龍涎或謂龍涎多積於海上枯木如鳥遺狀其色青黛其香腥雜百和焚之翠烟千結蜿蜒蟠空經時不散可以剪分香縷然多不真從番舶來者出大秦波斯於雨中焚之脂燻有聲者真坤輿圖記龍涎香黑人國與伯西兒兩海最多有大塊重千餘筋者望之如鳥每為風濤湧泊於岸諸蟲鳥獸亟喜食之狂機本草龍吐涎洙

可制香○星槎勝覽錫蘭山園卜刺哇園竹步園木母都東國刺撒園佐法兒國忽魯漢斯國溜山洋國俱產龍涎香○稗史彙編龍涎香白者如百藥煎而膩理極細黑者亞之如五靈脂而光澤其氣近於臊似浮石而輕香本無損益但能聚香耳和香而用真龍涎焚之則翠烟浮空結而不散坐客可用一翦以分烟縷所以然者入唇氣樓臺之餘烈也泉廣合香人云龍涎入香能收斂膈腐氣雖經數十年者香味仍存○廣東通志龍涎在水采者褐黑色在山采者褐白色○東西洋考海傍有花若木芙蓉花落海大

魚吞之腹中先食龍涎花嚙入久即脹悶昂頭向石上吐沫乾枯可用惟冀者不佳若散碎皆取自沙滲力薄○范咸臺灣府志龍涎香傳為鯨魚精液泡水面疑為涎能止心痛助精氣以淡黃色嚼而不化片為佳出淡水者皆淡黃色無黑色○朱國積大政記龍涎香出蘇門答刺園西有龍涎嶼時南巫里大洋之中羣龍交戲其上遺涎焉國人駕獨木舟伺採之舟如龍形浮海面人伏其中隨風潮上下傍亦用藥

龍遇之亦不吞也每一劬值其國金錢一百九十二枚準中國銅錢九千文嘉靖三十四年下戶部取香百劬遍市京師不得下廣東藩司探買部文至臺司集議懸價每劬銀一千二百兩僅得十一兩上進內驗不同姑存之亟取真者部文再至廣州夷四馬那別的貯有一兩三錢上之黑褐色密地都密地山夷人繼上六兩白褐色細間狀之黑者採在水白者採在山皆真不贗尋有密地山商再上通前共得十七兩二錢五分次年進入內辨驗是真許留用自後夷船聞上供稍稍挾來市始定價每一兩價百金龍涎之爲用也入香合和能收斂腦騰清氣雖數十年香味仍存得其真者和香焚之翠烟裊空不散涎沫有三品曰汎水曰滲沙曰魚食汎水則輕浮水面善水者何龍出取之滲沙則凝積年久氣滲沙中魚食則化糞於沙礫惟汎水者可食香用又言魚食亦有二種海旁有花若木芙蓉春夏間盛開花落海大魚吞之若腹腸先食龍涎花嚙入久卽脹悶昂頭向石上吐沫乾枯可用惟糞者不佳

○嶺南雜記諸香龍涎最貴市值每兩不下百千次亦五六十出大食國近海有雲氣罩山間知有龍睡下或半年一二載土人守視雲散則龍已去必得其涎五七兩或十餘兩眾共分之又大洋中有渦旋處龍在其下湧出之涎日燥成片風漂至岸取之又嶺外雜記龍枕石而睡涎浮水積而堅新者色白久紫甚久者黑氣近腺形如浮石而輕賦理光澤入香焚之翠烟浮空結而不散又出沒海上吐出涎沫有三品一汎水二滲沙三魚食汎水輕浮水面善水者何龍出隨取滲沙凡風浪飄泊舟輿積年氣盡於沙土中魚食涎作糞散沙礫氣腥穢進貢亦不過四兩 按龍涎論色則瓊記言有白與紫黑之分而札記又有淺黃色廣志有青蠶色辨真偽亦諸說互異大抵不必論其色總以含之不耗投水不沒雨中焚之能爆者良東璧綱目鱗部龍下龍腦龍胎俱有主治而於龍涎獨遺之惟附其名云龍涎方藥鮮用惟入諸香云能收腦騰數十年不散出西海洋春開羣龍所吐涎沫浮出者番人採貨之亦有從大魚腹中剖得者其狀初若脂膠黃白色乾則成塊黃黑色如百藥煎而賦理入則紫黑如五靈脂而光澤其體細飄似浮石而腥臊其說亦未確核蓋所云魚腹中得者卽札記所云海鯨魚之精也亦名龍涎出臺灣不若大洋中產者佳夫龍腦龍胎世上所無龍涎則閩粵貨售者多東璧何得於罕見者載之於所有者反略之耶則甚矣該傳之難也入藥用隔湯頓化如膠糖狀者佳 氣腥味微酸鹹無毒

○藥性考味甘氣腥性潛。張瑤實云夾砂者有小毒乃土人於砂磧上收取之入藥須以甘草水煮過用

○酉陽雜俎云龍熬遇烟煤則不散入藥忌鐵器及石膏 活血益精髓助陽道通利血脈。廖承言驗方云利水通淋散瘕結辟精魅鬼邪消氣結逐勞蟲尸疰。陳良士云在澳門見倭夷用合船硫及他藥作種子丸云漢時衛士和丹用此倭夷皆有其方祕不傳中國。札記云出淡水者止心痛助精氣。周曲大云龍涎能生口中津液凡口患乾燥者含之能津流盈頰微若有腥氣粵中夷人合龍涎丸和以他藥便不腥入口亦不耗減一丸可用數十年不敗如單用龍涎入藥須先用雞湯將龍涎制死則入腹便化否則入腹

絲毫不損蓋極難化者方書云焚之其烟能入水孟子嘗試之多不驗 按龍乃東方之神其體純陽能噓氣成雲陽之質輕浮故雲上升其骨反入手足少陰厥陰經者蓋凡知覺運動之物皆肖陰陽以立體孤陽則不生龍秉純陽而骨反屬陰入藥能收陽中之陰治心腎諸病所謂一陰一陽之謂道也其質靈其齒能治魂遊不定鎮驚癇凡病在肝而龍主肝木治之最神延乃陽中之陽故其氣絕香龍屬木木之氣得太陽多者必香改諸香以龍為最得孟水徑撲其中不落空外龍以水為用見水則精入焉入藥所以能利水道分陰陽能殺精魅鬼邪者亦以至陰之物見真陽而立解也

龍泄 河南薛姓客言曾在嘉興永太守處見有龍泄結成大塊其質亦輕有六七兩及勛許不等每塊皆螺旋紋如象牙花紋其色有純黑有褐白二種欲辨真偽刮屑少許以滾水泡之其氣悉滲而成雲遇婦人雲輒撲入髮際旋繞不散蓋龍性好淫故也人服之入腹亦不耗惟見雞湯輒化如服後不食雞湯次日糞出其藥仍在色亦不改洵出洗淨復可再用氣亦不臭其功效食之能煖婦人子宮治男子下元虛冷入房術中用又史良字言曾見龍血結塊如棋子大光滑可鑿觸手冷如冰夫龍純陽也而血獨冷又不解何故龍泄又何物也其涎與血歟抑精與溺歟俱不可知悉存其說以俟証

西撈魚 坤輿圖說大東洋海產魚名西撈上半身如男女形下半身則魚尾其骨入藥用女魚更效

止血治一切內傷瘀損等症

鮓魚鱗 本經逢原鮓魚性補溫中益虛而無發毒之慮其生江中者大而色青味極甘美生海中者小而色赤味亦稍薄觀其暗室生光迥非常魚可比。綱目主治言其肉補虛勞油塗湯火傷於集解下記其鱗為婦人鈿飾不及入藥功用。張佳時云鮓魚須乘活時拔划水邊二鱗尖長者佳若死魚鱗便減藥力 湯火傷 逢原云用鮓魚鱗香油熬塗立效茅集之云鮓魚鱗貼腿瘡疼痛立效 治疔

陳氏傳方疔瘡用鮓魚鱗貼上則咬緊先須與酒飯吃飽然後將魚鱗邊略略揭起些須用力急揭去疔根便帶出也但揭出疔根時極痛無比非醉飽即暈倒也。傅氏方水疔用鮓魚鱗貼下近腹處有划水二瓣攤開有長鱗二瓣最佳但難得今人以背上大鱗代之貼上即消。毛世洪經驗集鮓魚鱗用手刮下不可見水陰乾收貯此拔疔第一妙藥也。用時以銀錢撥開疔頭將一片貼上以清涼膏蓋之俟一宿揭開其疔連根拔出後用生肌散收功予治兩貴婦大腳趾患瘡二三年不收功將臘一片以銀花湯浸軟拭乾貼之不數日而愈 下疳 救生苦海鮓魚鱗焙乾煨研白色名白龍丹敷之即愈得此可包醫 血瘰 蔡雲白言人生血瘰挑破血出不止者用鮓魚鱗貼之即癒而愈

苦魚 劉基苦齋記匡山在處州龍泉縣劍溪之水出焉注入大谷其中多斑文小魚狀如吹沙味苦而微辛可食故名 解酒毒可以醒酒 藥性考苦魚微辛形細色斑烹食服美消酒除癩

金魚 此魚自宋南渡始有一名硃砂魚乃人家蓄玩於盆盎中者有二尾四尾品尾金管銀管之分有

蛋魚名龍蛋文蛋虎頭及鱗諸品純紅純白或紅白相間體具五色極大者三四寸小者寸許綱目金魚條云主治痢而所用乃金絲鯉魚按金魚雖有鯉鯽鱒諸種殊不知鯉魚中一種紅鯉名金鯉鯽魚中一種紅鯽名金鯽皆有金魚之名與此全別而東璧合爲一則誤矣 味苦微鹹有小毒食之令人吐瀉日本條氣味下云甘平無毒此指紅鯽而言並非今之金魚也 解服瀉毒用金魚一二枚搗之灌下吐出涎水自甦 治瘋癲石殿水殿黃疸 慈航活人書俱用紅色金魚一個取三尾者甘蔗大者一二枚同搗爛絞汁服立刻即吐出痰涎愈

阿羅魚 一首十身音如吠犬亦可禦火 珍異藥品 療癰疽

漢陂魚 輿地志鄂縣漢陂出魚味美可入藥 治痔

四足魚 物理小識游子六曰閩高山源有黑魚如指大其鱗卽皮四足可調粥入藥 治小兒疳

河豚子 逢原云抉河豚目拌輕粉埋地中化水拔婦人腳上雞眼瘡可以脫根

河豚子 性有毒可絕壁蝨行篋檢祕同辦穀樟冰各五分拌棉花子安牀下燒烟熏之

蟻蝦魚 三才藻異產撫仙湖狀如龜殼青大如盤無尾入足腹白 食之辟瘴毒

蜂數百萬其蜜滴下溪魚食之故魚味甘絕曰蜜姑魚其釣法倍多曲折魚性極喜苦須縋懸崖下有

水衣演漾深碧而細者剝以爲餌魚性暴遇釣則跳巖卒不可制而蜜巖下溪水清甚用粗綆則恐魚

之驚見而驚遊也用細絲則又恐不足以勝魚跳巖之力釣者乃取絲長十餘丈盤於竿上遙望見深

波中魚詡詡鼓鬣而至則取絲徐徐放之如小兒之送紙鳶者使得縱其所往魚入鉤果一躍數尺翻

波敗浪橫激溪面其鱗光閃爍如千片碎金雜珠顆中隨風散灑觀者莫不目眩心動已而徐徐力倦

乃可取之 性溫味甘食之生胃津益肺氣補血脈增髓去熱除虛羸壯筋骨止噉定喘功同燕窩蛤

蚬也 按此魚最潔惟食苦蜜苦寒而蜜溫得水火既濟之力大能補土生金燕窩性清肅而下行蛤

蚬性和中而溫臟此則故能兼之眞勞嗽虛羸之食品上藥也 柳崖外編載張方海浙人少年讀書四

明嘗斷炊者數月山礪谷多竹峭壁有蜜窠入江化爲魚名蜜點張遂掘筍釣鮎而食自言笋味淡以

清蜜點濃而美有天台胡麻所不如者嗣後遂輕身耐寒暑不復思烟火味據此則其功用信不誣也

雪鮓 粵語鮓魚廣人池塘多蓄之以魚秧長成與鯽性相反鯽屬土其性沈長潛水中鮓屬水其性浮

長躍水上鮓食之可以實腸鮓食之可以行氣鯽守而鮓行性各不同如此其物以冬而肥故名喜深

浮波上得濟流則跳躍尋丈生食之益人氣力。梧潯雜佩鮓魚形似鮓而稍短味甚美作膾尤佳健

帶魚 出海中形如帶頭尖尾細長者至五六尺大小不等無鱗身有涎乾之作銀光色週身無細骨止

筋骨活血行氣逐水利溼

上海錦章書局印

中一脊骨如邊箕狀兩面皆肉裹之今人常食為海鮮據漁海人言此魚八月中自外洋來千百成羣在洋中輒脚尾而行不受網惟釣斯可得漁戶率以乾帶魚肉一塊作餌以釣之一魚上釣則諸魚皆相啣不斷掣取盈船此魚之出以八月盛於十月霧重則魚多霧少則魚少率視霧以為貴賤云綱目無鱗魚條獨遺此品故為補之○五雜俎閩有帶魚長丈餘無鱗而腥諸魚中最賤者獻客不以登俎然中人之家用油沃煎亦甚馨潔○福清志帶魚身薄而長其形如帶無鱗入夜爛然有光小者俗名帶柳○物鑿帶魚形纖長似帶脚尾而行漁人取得其一則連類而起不可斷絕至盈舟溢載始舉刀割斷捨去其餘○玉環志帶魚首尾相啣而行釣法用大繩一根套竹筒作浮子順浮洋面綴小繩一百二十根每小繩頭上拴銅絲一尺銅絲頭拴鐵鈎長三寸即以帶魚為餌未得帶魚之先則以鼻涕魚代之凡釣海魚皆如此釣期自九月起至次年二月止謂之魚汛○朱排山柑園小識帶魚生海中狀如雙鏡首扁身大眼細齒色白無鱗脊骨如篋肉細而肥長二三尺形如帶亦謂之裙帶魚冬時風浪大作輒釣得之棗為齏以致遠 味甘性平和中開胃食物宜忌 帶魚形長扁薄似帶色白無鱗肉細佳膾醃鯁風乾久藏不敗煎烹味美多食發疥 帶魚脚尾而行得一可連數十醃食佳黑夜有光故有毒藥性考

血鱈 出浙江甯波府慈谿縣以白龍潭產者為第一他產者尾尖尚黑不能通體如硃砂紅也葛三春言白龍潭血鱈周身紅如血每年所產亦稀取其血沖酒飲可以驟長氣力行伍中學習入段錦工夫者多服之 增氣力壯筋骨益血填髓

沙魚翅 沙即鮫魚種類甚多皆可食綱目鮫魚條集解下瀕湖註云沙魚腹下有翅味並肥美商人珍之主治下特載其肉皮膽之功用翅獨略焉今人習為常嗜之品凡宴會餽饌必設此物為珍享其翅乾者成片有大小率以三為對蓋脊翅一划水翅二也煮之折去硬骨檢取軟刺色如金者淪以雞湯佐饌味最美漳泉有煮好剔取純軟刺作成團如胭脂餅狀金色可愛名沙刺片更佳 味甘性平補五臟消魚積解毒食物宜忌 益氣開腸托毒長腰力 閩部食蔬清痰開胃進食藥性考

土附 嘉興縣志一名菜花魚以其出於菜花時最肥美故名程大昌演繁露土部吳興人呼為鱸鱧以其質圓而長與黑鱧相似其鱗斑駁又似鱸魚故而名之長興謂之蕩部又曰蕩魚湖州府志鮒魚今呼土部此魚質沈常附土而行不似他魚浮水遊也故又名土附錢塘縣志土鶩俗名土哺以清明前者佳藻異云吐哺產杭本名土附以其附土而生也色黑味美兩航雜錄吐哺或曰食物嚼而吐之故名敏按美上諸說皆無杜父之名而綱目載杜父魚云其色黃黑有斑脊背上有鬚刺螫人又名渡父魚黃魴魚船疴魚伏念魚似與土附迥不相類沈雲將食纂陳芝山食物宜忌皆以為今之土部魚即杜父魚也此乃承山堂肆考之誤今土部杭城甚多一年皆有惟正二三月獨旺背黑亦有淡黑帶土

黃色者不聞能刺人俗云此魚立冬後則伏土閉眼不食冬至後出土附土而行清明後開眼過食小蟲蝦故有毒陳芝山云土部清明後頭上生紅蟲不可食細核其形狀食性與杜父全不相類何能強合予故於禽蟲考中魚類辨之甚詳以杜父入吹沙類而另立土附本條蓋不敢附古人而欺後世也土部綱目所無復爲補之 味甘性溫○補脾胃治噎膈除水腫溼氣療一切瘡疥此物又能扶陽其子用燒酒醉食頗能興腎與對蝦同功以其食蝦力也 子 助相火煖腰腎

烏魚蛋 產登萊乃烏賊腹中卵也藥性考以爲卽雄魚白 味鹹開胃利水

青魚膽 梧潯雜佩青魚膽出藤縣之福禰字不見字書讀如萱郡人亦有此姓洲洲在江中長可五六里許其上居民甚多水多石上青苔此魚食之其膽極涼可入藥他處卽不堪用魚大者百餘觔漁人網得必以聞官割取其膽乃膏於市

白皮子 蟬史蛇生南海四五月初生如帶至六月漸大如盤形似白綠絮而無耳目口鼻鱗骨一段赤色破碎者謂之蛇頭其肉如水晶以明礬醃之吳人呼爲水母鮮久則漸薄如紙俗呼爲白皮紙按今所云

白皮紙乃海蜃外面之皮非陳久之海蜃也一名秋風子○朱排山柑園小識海蛇上有白皮潔白脆美過於海蛇謂之白皮子○綱目載海蛇名水母人以石灰礬水醃之去其血水色乃白其形最厚者謂蛇頭味更勝云而不錄其外皮之用且其言性暖可治河魚腹疾而農田餘話云水母本陰海凝結之物食而暖其性未詳東壁亦無發明敏曾居東甌數年見土人販蛇爲生者詢之據言其物確係海水所結東南海俱鹹遇春夏天雨在海中者一滴雨水入海輒有一小泡凝聚海面初則大如豆隨波逐蕩受日烘

染漸長大成形如笠上頭下剛塊然隨潮而行土人撈蛇者每於海塗間插竹爲小城以稻草作網圍之潮長蛇隨潮而來入竹城爲網所絡不得去然後取之以刀撈其中段若然而開有似腸胃穢積者落落交下名蜃花食之亦最美再以礬灰醃而售之按海爲陰水天雨水屬陽相入而感便生此物受太陽真氣所以日漸長大而性暖也 味鹹潛性溫消痰行積止帶祛風 貼爛腿 救生苦海用白皮子

照瘡大小剪作膏貼內搵銀硃 無名腫毒 集聽方用白皮子一片白糖霜揉軟中開一孔貼上重者潰輕者散又止痛 流火 文堂集驗取海蜃皮薄者貼上燥則易之 頭風 貼兩太陽能拔風溼外出 膝韻風溼 以白皮子貼之 消痞 王聖俞云有二方一用白皮子同葶藶燒酒浸服一

用白皮子葶藶同煮止食葶藶自消痞也○程克庵云凡小兒一切積滯用葶藶與海蜃同煮去蜃食菁則諸積自消亦以積非寒不滯而成海蜃能暖水臟葶藶化堅相因而用其效故捷也同壽錄載其方治病用大葶藶一百個古錢二十個海蜃一觔皮消四兩燒酒三觔共浸七日後每早喫四錢加至十個止卽愈

鮑魚 滇程記雲南百夷中有小孟貢江產鮑魚彼夷食之日御百婦故夷性極淫貴賤俱數妻其地亦

產鸞薑○說略云鮓魚產孟貢江吐者恆多化而遊夷人常食其肉一日能御百女人藥用雄者壯陽道固精髓八十老翁服之多子

介部

海龍 赤嵌集海龍產澎湖澳冬日雙躍海灘漁人獲之號為珍物首尾似龍無牙爪大者尺餘入藥譯

史此物有雌雄雌者黃雄者青 功倍海馬益房絡催生尤捷效握之即產 百草鏡云海馬之屬有

三小者長不及寸名海蛆不入藥中等者長一二十寸名海馬尾盤旋作圈形扁如馬其性溫味甘煖水

臟壯陽道消痕塊治疔腫產難血氣痛海龍乃海馬中絕大者長四五寸至尺許不等皆長身而尾直

不作圈入藥功力尤倍雖同一類形狀微有不同此物廣州南海亦有之體方周身如玉色起竹節紋

密密相比光瑩耀目誠佳品也○介語鮓姑一名海馬其扁如蜈蚣者燒服主夜遺

海牛 本草原始海牛生東海海蠶之屬頭有角如牛故名其角硬尖銳有紋身蒼色有龜背紋腹黃白

色有筋頂花點魚尾今房術中多用之 氣味鹹溫無毒主治益腎固精興陽

白鼈 粵志白鼈可以治痰火其初得之神授廣人甚珍之有口號曰烏耳鱗白甲魚滋陰降火只須臾

一名玉鼈龍以其背上樓起如鼈龍也連首白者良甲白而首足仍青者不及 補虛勞愈痰火滋陰

降氣養血益精

鼈膽 盧之頤云鼈無耳以眼聽故其目不可嘗識精於明復識於聰也不惟精專肝竅膽亦異眾而味

大辛亨脊連脇脇亦少陽膽府所屬此木金交互故得聲色疊用而肝為膽藏取決更相親耳 本草

乘雅云味辛開壅普除癥瘕痞積瘕肉惡陰蝕痔核今人以入房術用風斯下矣 痔瘡痔漏 家寶

方鼈膽一個取汁磨香墨入麝香冰片少許雞毛蘸塗 物理小識云鼈膽最粹通竅尤捷此人所未

知者

蠓殼 綱目蠓條止載其肉云治冷痢補蓐勞不及其殼之功用 治喉風急痹 萬選方用蠓殼置瓦

上日曬夜露經年取下色白如雪搗細水漂淨末曬乾同冰片吹喉專治咽喉一切急症立愈

海蝨 杭州府志海蝨杭俗立夏以為應時之味以花椒灑之麻油拌食○從新云比螺蝨身細而長殼

有旋紋六七屈頭上有厝春初甃起訂海崖石壁海人設網於下一掠而取治以鹽酒椒桂按海蝨有

大如指長一二寸許者名釘頭螺溫台沿海諸郡多有之海蝨螺生海塗中立夏後有人見其羣變為

蛭今人所稱豆娘是也或云此螺能跳丈許蓋遷其處此物又能食蚶明州奉化多蚶田皆取苗於海

塗種之久則自大時田者不時搗視恐有海蝨苗蓋蚶不畏他物惟畏海蝨蚶田中一有此物蚶無遺

種皆被其吮食盡玉環出者大如指名釘頭螺 鹹寒治瘰癧結核能降鬱氣 辟蛆 雲客傳方立

夏日食海蝨後以殼七枚勿令人見撒廁中或馬桶內暑日不生蛆蟲頗驗

吐鐵 沈雲將食物本草曰吐鐵海中螺屬也大如指中有腹如凝膏白其殼中吐膏大於本身光明潔

白可愛姑蘇人享客位下酒小盞爲海錯上品一名麥螺一名梅螺產甯波者大而多脂餘姚者不及

生食之令人頭痛土人以鹽漬之去其初次涎便糖可食○海味索隱曰土鐵一名泥螺出甯波南田

者佳五月梅雨後收製○會稽志吐鐵歲時合以沙沙黑似鐵至桃花時鐵始吐盡見只編云九月可

食蓋此物產泥塗以泥爲食八月至九月不復食泥吐白脂晶瑩塗上比他月出者佳○福州府志吐

鐵爲海錯上品色青外殼亦軟肉黑如鐵吐露殼外人以醃藏糟浸貨之四方別有小如菜豆者桃花

時方有名桃花吐鐵產泉州者名曰麥螺○惜弟觀頤錄云吐鐵出海甯者無脂多泥肉韌不堪食出

甯波者極大多脂無泥肉胞水洗三次用甜生白酒浸半日待鹽味出換白酒釀加燒酒或單用燒酒

浸亦可必多入白糖藏久不壞○柑園小識吐鐵生海中微似扁螺殼薄而白肉青黑色大者多脂以

鹽漬之可以致遠甘酸鹹寒補肝腎益精髓明目 按吐鐵色青得甲木之氣以斥齒爲食不復他

食更得土之餘潤而生脂膏八九月不食土者以秋金盛而木氣衰故吐泥而不食其能補肝腎益精

髓亦猶脾土得養化津液上升而并及耳目也東壁以麥螺爲泥螺味酸入肝二物形質不同性味亦

異則強合爲一誤矣此物又能潤喉燥生津子庚申歲二月每患燥火入夜喉咽乾燥舌枯欲裂服花

粉生津藥多不驗一日市吐鐵食之甘至夜咽乾亦愈可知生津液養脾陰之力大也

田螺涎 保元方田螺涎能去水腫用田螺不拘多少水漂加香油一盞於水內其涎自然吐出取曬乾

爲末每服不過三分酒調下水自小便下氣自大便出腫卽消再服養脾胃藥全愈

蛤蚧肉 厚殼紫口而圓者曰蛤蚧綱目本條下載其肉性寒而開高武宗痘疹正宗以爲可發疹及治

痘毒入目取其汁點之說爲謬不知其肉性性寒方能解熱藥之毒正取其與丹石相反爲用耳 治

癰疔痘毒 集聽載一捻金方治一切癰疽腫毒初起最驗兼治疔瘡喉風蛇傷犬咬及小兒痘毒乳

香一錢雄黃二錢血竭錢半此三味不必製沒藥一錢明礬一錢硃砂三錢紅信六錢麝香六分蟾酥

一錢蛤蚧肉二錢蜈蚣三錢甲片炒三錢鴉蠶一錢川烏一錢牙皂四錢共爲末以磁罐貯之大人一

分五釐小人七釐強者二分亦可將葱白三寸搗爛和藥爲丸好酒服下取汗再服不必汗

蜆腊 蜆生沙泥中江湖溪澗多有其類不一有黃蜆黑蜆白蜆金口玉口等名黃蜆殼薄肉肥黑蜆殼

厚肉薄又番禺章涌地方產無耳蜆更甘美異常凡蛤之屬皆能孕子而黃蜆化蛾而散卵白蜆藉霧
以生形則又一異海南介語蜆在沙者黃在泥者黑蜆老則肉出小蛾而蜆死小蛾復散卵水上爲蜆
凡南風霧重則多白蜆北風霧則否蓋白蜆之生於霧霧味鹹鹹爲白蜆所生之本始生時白蜆之
形如霧自空而下若無若有人見以爲霧也漁人知之以爲天雨蜆子也蜆子旣成以天暖而肥寒而
瘠在艾塘沙灣一都江水中積厚至數十百丈是日蜆塘其利頗大綱目蜆下集解尙欠詳晰且其主

治下殼肉蚬水皆載而蚬腊無聞焉特采介語以補 解蠱并治不服水土介語

蚌淚 蚌中水也蚌生淡水中色蒼入肝故有清熱行溼治雀目夜盲之力綱目載蚌肉及蚌粉功用獨

遺其殼內所含之水不知此水乃真陰天一之精入藥最廣特為補其缺 清熱安胎消痰除溼解

酒積丹石藥毒 初生小兒啞驚逢原云用活蚌水磨墨滴入口中少頃下黑糞而愈 湯火傷用

生蚌灰水塗之

西施舌 曆本峻曰沙蛤土匙也產吳航似蛤蜊而長大有舌白色名西施舌閩部疏曰海錯出東四

郡者以西施舌為第一蠟房次之西施舌本名車蛤以美見諡產長樂灣中本草從新西施舌浙溫

州有之生海泥中似車螯而扁常吐肉寸餘類舌故名○敏按臨安館劉芳洲明府署中劉為諸城

相國胞姪據言介屬之美無過西施舌天下以產諸城黃石灘海濱者為第一此物生沙中仲冬始

有過正月半即無取者先以石碌礱磨沙岸使沙土平實少頃視沙際見有小穴出泡沫即知有此

物然後掘取之綱目海蛤蛤蜊條中獨遺此今依吳氏從新本補之 甘鹹平益精潤臟腑止煩渴

為補陰要藥從新 宦遊筆記西施舌似車螯而扁生海泥中一名沙蛤長可二寸常吐肉寸餘類

舌俗以其甘美故名

石蚶 俗呼龜腳蛭海濱多有之古未聞入藥瀕湖獨增此品止載其能利小便不知其別有功用今

依介語補之 朱排山柑園小識龜腳形似龜腳生海中石上殼如癩螯其色紫可食即石蚶也江

淹有石蚶賦 下寒澀消積痞溼腫脹虛損人以米酒同煮食最補益介語

乾蝦 蝦米 鶯爪 蝦子 對蝦

土氣薄也湖澤池沼中者殼薄肉滿氣不腥味佳海中者色白肉粗味殊劣入藥以湖澤中者為第

一以蝦煮曬乾去殼大者曰鶯爪小者曰蝦米又蝦子名曰蝦春錢塘八月潮盛時江濱人俟潮退

後率於江沙淺水處撈取蝦子入市貨賣歸者以腐渣攪和須取少許置銅鏡中和鹽炒之色純紅者

乃真多醃藏貯作來春食品綱目蝦及海蝦分條明晰於蝦內集解下載蝦米海蝦集解下載對蝦皆

不立主治僅云充饌品而已故悉為補正其缺

蝦米

味甘性平逐風痰 胡潛法製縮有蛤蚧蝦製法云食之補腎益陽蝦米一斤蛤蚧二枚茴香蜀

鶯爪

味甘性平治疔去癬 食物宜忌 治無乳及乳病蝦米酒 鮮蝦米一斤取淨肉搗爛黃酒熱服

少時乳至再用豬蹄湯飲之一日幾次其乳如泉 宣吐風痰 不藥良方連殼蝦米半斤入葱薑醬

黃汁先吃蝦後吃汁緊束肚腹以雞翎探引取吐赤白遊風 不藥良方蝦米搗碎傅之

鯪子 鯪者味甘醜者味鹹甘皆性溫助陽通血脈俱見食物宜忌○敏技粵語云鯪春非鯪子也江中有水蠍大僅如豆其卵散布取之不窮然則鯪春之性當與鯪性有別陳芝山助陽之說或未加稽核耳

對鯪

粵志鯪鯪產鹹水中大者長五六寸出水則死漁人以絲黏網其深四尺有五寸六寸者仄立海中絲柔而輕鯪鯪至則鬚尾穿胃弗能脫也兩兩乾之爲對鯪鮮者肉肥白而甘○朱排山柑園小識

海鯪磔鬚錢鼻背有斷節尾有硬鱗多足而好躍大於溪河所生長尺餘鬚可爲簪土人兩兩乾之謂之對鯪以充上饌○宦遊筆記淮海產對鯪長數寸兩兩乾之勾結如環烹以爲羹味鮮美居人往往以享客且可致遠或曰以雌雄爲對但當懷子旣散之後雌雄亦無從辨至其出時自正月望後始二三四月大盛端陽而後卽杳不可得亦物理之不可推者也 補腎與陽燒酒浸服 治痰火後半身

不遂筋骨疼痛 醫學指南核桃仁棉花子仁杜仲炒巴戟殊砂骨碎補枸杞子續斷牛膝各二兩大

蝦米四兩兔絲餅四兩用燒酒二十勛煮服如年高者加附子肉桂各一兩酒服完將渣曬乾爲細末

蝦醬

粵語蝦醬以香山所造爲美曰香山蝦其出新甯大襟海上下二川者亦香而細頭尾與鬚皆紅

白身黑眼初醃時每百勛用鹽三勛封定缸口候蝦身潰爛乃加至四十勛鹽於是味大佳可以久食

解毒樹蠱 廣有毒樹蠱其樹無花結子如牛蠲食之立死以蝦醬解之 宦遊筆記遼東大凌河出

石上螺螄

俗名鬼螺螄形如海螄而小秋冬常在牆腳石隙中夏月在溼地青苔上取用洗去土 治

黃疸 慈航活人書取石上螺螄半盃搗如泥無灰白酒頓熱沖服之 疔 濟世良方黃風膏治疔

瘡及頭面熱毒瘡雄黃一兩釘銹白梅肉各五錢消風散一兩夏月加鬼螺螄二十個共研細末苦鹽

調勻貯瓷罐內凡患疔腫毒瘡用銀鍼挑破毒頂敷上此藥以綿紙蓋定其毒收斂不走三日後卽愈○黃氏醫抄取細長小鬼螺螄搗爛連殼敷患處露頭出膿次日卽可消 拔疔 保合堂秘方鬼

螺螄一個荔枝核三個煨存性白梅肉六個共搗爛成膏貼之取出疔根後用八寶丹收功 鼻疔

慈航活人書花盆中青螺二三個同鹽搗塗立效 白火丹 集聽丹有五種青黃赤白黑黃白易治

黑丹莫救青丹十日內可治赤丹亦然俱不可見燈火食鹽物治法取溪澗中鬼螺螄酒煮食卽消瘰

瘰氣悶者食數次愈 三漏丸 活人書治穿屣漏通腸漏瓜藤漏皆溼熱之邪毒殺蟲退管穩當之

劑土蜂窩煨鬼螺螄煨蟬蛻煨各七錢乳香沒藥川草薛酥炙陳椶管仲煨各五錢豬懸蹄甲煨十

個刺蝟皮炙一個雷丸三錢黃蠟四兩化開加麻油六七匙入藥爲丸桐子大每服六七十丸空心白

湯下 通經 周氏家寶鬼螺螄十四個研碎油紙攤貼臍上縛定週時此螺生在陰處

雪蝦蟆 憶舊遊詩話巴里坤雪山中有之醫家取作性命根源之藥軍中人爭買之一枚價至數十金

且不易得也○朱退谷曾於吳門見之云遍身有金線紋其形絕似蝦蟆 性大熱補命門益丹田能

回已絕之陽功兼參附火盛者不可服 內造伏虎丹 秘方集腋興陽種子強腎助神用真川貝母

四兩須四製第一次用大附子一個童便一湯碗蒸切細乾燒酒三湯盞韭菜汁三湯盞同入砂鍋將

貝母煮乾去附子不用第二次用雪蝦蟆一兩無則以大蛤蚧一對代之用石敲碎亦用燒酒韭汁各

三碗同貝母煮乾去蛤蚧不用第三次用吳茱萸一兩亦用酒韭汁各三盞同貝母煮乾去茱萸不用

第四次用公丁香五錢亦用酒韭汁各三碗同貝母煮乾去丁香不用製完其貝母爛如泥置石臼中

春再入真阿芙蓉一錢乳製蟾酥三錢麝香五分拌勻作條焙乾收貯用時唾津磨搽 雪裏蝦蟆性

熱微辛壯陽卻冷痿弱能興藥性考

海參 閩小記云閩中海參色獨白類撐以竹簽大如掌與膠州遼海所出異味亦淡劣入藥以產遼海

者良紅旗街出者更勝於綠旗街有刺者名刺參無刺者名光參入藥用大而有刺者佳一名海男子

有粳糯二種而黑賦者尤佳人以腎為海此種生北海鹹水中色又黑以滋腎水求其類也○百草鏡

云南海泥塗亦產海參色黃而大無刺肉亦硬不中食品土人名曰海瓜皮言其如瓜皮之粗韌也以

其充庖餽豬肉食可健脾入滋補陰分藥必須用遼東產者亦可熬膏作膠用○藥鑑海參出盛京奉

天等處者第一色黑肉糯多刺名遼參刺參出廣海者名廣參色黃出福建者皮白肉粳糙厚無刺名

肥阜參光參出浙江甯波者大而軟無刺名瓜皮參品更劣矣○關東韓子雅言海參生東海中大小

不一體滑如蜒蚰能伸縮羣居海底遊行迅疾取參者用海狗油滴水海水乃清見底見有海參即入

水取之此物沾人氣便不動先以兩手探握置頸兩傍再取置肋下次及兩腿跨下膝皆可夾取此物

一沾人氣即不動然後出水以刀剝去腸胃石灰醃去腥涎令體內緊密乾之乃縮至于許其實生者

大如瓜長尺許也若乾者寸外生時體更大可知○蓬萊李金什言海參亦出登州海中與遼東接壤

所產海參亦佳彼土人言海參多伏海中大石上水深不可見取參者必用海狗抽筒入水中則有一

暈散開清澈見底然後入水取之每每遭鯊魚毒害故其價亦不廉其體生者身多滑涎去腸胃以灰

醃去腥涎乾之出售每多灰鹹氣也○福山陳良翰云海參生北海者佳為天下第一其參潛伏海底

至二三月東風解凍時多浮出水面在海塗淺沙中孳乳入水易取然腹中出子後惟有空皮皮薄體

羸味不甚美價亦廉識者賤之名曰春皮四五月則入大海深水抱石而處取之稍難體略肥厚至伏

月則潛伏海中極深處石底或泥穴中不易取其質肥厚皮刺光澤味最美此為第一名曰伏皮價頗

昂入藥以此種為上若秋冬時則又蟄入海底不可得矣○五雜俎海參遼東海濱有之一名海男子

其狀如男子勢然淡菜之對也其性溫補足敵人參故名曰海參○藥性考海參遠產者佳吳浙閩粵者肥大無味虛火燥結同木耳切爛入豬大腸煮食歌云海參鹹寒降火滋腎通腸潤燥除勞性症遺塗小佳刺密脆硬南產厚大肉味稍遜 甘溫 食物宜忌味甘鹹補腎經益精隨消痰涎攝小便壯陽療痿殺瘡蟲 生百脈血 臨安儒醫盛天然語子云曾往青山里視一婦人病眼鼻口耳髮根皆出血下部亦然其人已昏不知人詢其夫得症之由數日前受驚而起時天酷暑大旱又中燥烈之氣致血溢奔騰上下散出卽不救矣諸醫皆斂手無策盛有叔曾於都中得一方專治此症幸尙記憶遂急喚人取山泉一桶燒酒一勛挾婦起坐裸其小腿先以燒酒淋之俾酒從踝下卽滴入水桶內淋訖然後將腿置水中一飯頃其上下血卽止婦亦甦面色如粉急叫人覓壯年乳婦以乳哺之再用海參半勛切片焙爲末每次調服三錢日三服蓋海參能生百脈之血若失血過多必須以此補之其生血之功捷於歸芍也 治休息痢 宋春暉云餘姚有孝子某其父患休息痢經年垂危孝子日走神廟祈求醫藥如是月餘一日途遇老人教以用海參每日煎湯服不數日全愈 治潰瘍生蛆 慈谿楊靜山云曾有人患癰破爛內生蟲蛆累累千百計治以殺蟲藥無效一老醫以海參片焙末敷之蛆皆化黃水然後以生肌膏貼之愈據言凡一切金創及疽毒破爛交暑內潰生蛆惟海參末可療○不藥良方夏月潰瘍生蛆係陰溼所化海參爲末搽之或早礬飛過爲末搽之皆化爲水

隊隊 游宦餘談隊隊形如壁蝨生有定偶緬甸有之夷婦有不得於夫者飼於枕中則其情自合故不惜金珠以易○魯景鳳小辨同年蘇侍御民傑按雲南還語子雲南有小蟲名曰隊隊狀如蝨出必雌雄隨人偶得之以賣富貴家價至四五金富貴家貯以銀匣置枕頭內則夫妻和好無反目此則物氣之正人也 入媚藥治夫婦不和

風蛤 職方考閩邵武府出風蛤類蝦蟆義嶠峯麓之數村每春初東南風起則此物滿狀厨閩土人取而脯之 性溫煖治風及手足拘攣折傷

飯蒼蠅 謝天士云蟲中各種俱入藥用惟飯蠅無用故本草不載其主治予精思十年求其主治不可得嘉慶庚申偶在東江晤柴又升先生云昔在台州患面疔初起卽麻木癢幾入骨不可忍山中倉卒無藥有教以用飯蠅七個冰片一二釐同研爛敷之卽不走黃如言果癢定次日漸痊旬日而愈 束疔根不走黃塗瘡卽生髮 吳秀峯用以塗小兒疔愈後脫疤不長髮用此搗塗立生

塞鼻治拳毛倒睫 藥性考

蠅蜂 粵志陽春有蠅蜂嘗附橄欖樹而生雖有首足與木葉無別須木葉凋落乃得之士人以置篋笥每遇蠱毒必鳴鳴則自呼又以其聲之清濁卜禍福佩之辟蠱

蜜峰 綱目止用于云入足陽明太陰而無用蜂者赤水元珠有治瘰癧方用之為補於後 赤水元

珠云蜜峰同杏仁葉蝠蝠蛇蛻治瘰癧神效

苦蜜 出處州劉基苦齋記匡山之巔四面峭壁風從北來大率不能甘而善苦故植物中性之苦者

莫不布族而羅生焉野蜂巢其間采花髓作蜜味亦苦山中方言謂之黃杜初食頗難久則彌覺其

甘按綱目言蜜有黃連蜜味苦不知更有天成自然之苦蜜故補之 除積熱已煩渴解熱痢暑積

驅風丸藥中用之更佳老人腸燥以一盞和酒食尤宜

蜜虎 似蜂而大首尖身圓狀如橄欖形有兩翼亦如蜂翅遍身生毛花斑色尾有短毫鋪張如鷲尾

鼻上有鬚二根喜入花心中以鬚鈎取花蕊而出其鬚能伸縮屈曲如象鼻然以捲物登州人呼古

路哥子安徽人呼為蜜虎養蜜者最忌之○臺灣府志蜂虎蟲屬狀似燈蛾而大頭有斑點入蜜蜂

窠則盡食其蜂○汪杭葦言蜜虎多喜入鳳仙花叢中散子於葉背日久生小灰色蟲如青蠅體上

有黑白斑暈食其花葉長大及老則下根底變為蛹頭粗尾尖如海螵狀作老黃色久則蛹出為蛾

即成蜜虎如此循環生生不已治咽喉腫痛生蛾 陳良翰云蜜虎登州最多人捕得裝入布袋懸

挂簷下陰乾遇有咽喉腫痛或生單蛾雙蛾取一枚瓦上火焙去其週身絨毛翦去頭足尾翅再用

火焙為末加冰片少許吹入喉中即愈此神方也又入壯藥用 治心痛 鞠子靜方用嚼嚙哥即

蜜虎五六月飛行牆壁山東甚多取置竹筒中此物難死必待二十日方乾死在筒中自能撲打體

上絨毛盡落有患心痛者及腹痛者瓦焙研末酒服一二枚即止諸城王遜亭云古路哥有雌雄雄

者身瘦小雌者腹大入藥用雄者以線穿陰乾可合房術藥用其老僕王三云此蟲山東極多能食

蜂養蜂家最忌之其蟲口中有黑絲常捲若入蜂窩即吐直其絲以刺蜂蜂即斃然後食之蓋蜂鍼

在尾而此蟲之鍼在首想亦有毒鍼在尾者陰在首者陽以陽尅陰故蜂為所刺無不立斃其蟲於

初秋散子在豆莢中則為豆蟲如青蠅狀食豆在黍稷上則為朝天猴如刺螫狀後黍葉自下食而

上最為莊田之患然可食莊人候日未出時此蟲着露體重翅輕不能飛易於撲取人捕得去其翅

羣置瓦罐內令其自相撲擲其體上細毛自落然後以油鹽椒薑炒食之味勝鷺蛹但其體上毛不

可着人眼着眼即損目

蟾皮 此乃蟾蝦蟆皮也能拔大毒外出又能回毒功效不可殫述綱目蟾蜍條主治皆全用無單

用其皮者惟附方引孫真人千金方中治腸頭推推出用蟾皮一片燒熏并傳僅錄其些小功用反遺

其大者故特著明補之 貼大毒能拔毒收毒○黃汝良行篋檢秘方載指頭紅腫生毒用活蟾一

隻生剝皮將皮外面向患處包好明目其毒一齊拔出或發背對口等症毒忽收內如又起再貼切

記不可將其皮裏面着肉即咬牢難揭凡痘疹後回毒亦可用此治 瘰癧斂口膏藥○治瘰癧膿

已盡腫已平瘡口未斂以此貼之。○蝦蟆皮二個要活剝者鼠皮二張蛇蛻二條蜂房大者一個右四味俱煨灰將水膠一兩用井花水一酒鍾化開後加蜜一兩蜈蚣煎麻油一小鍾攪勻前四味灰臨起入麝香一分將絹攤來不溼爲度。靈秘丹藥云凡患癰疽瘡毒者用土中大蝦蟆一個剝全身癩皮蓋貼瘡口於蟆皮上用鍼將皮刺數孔以出毒氣自覺安靜且能爬住瘡口不令長大又可免蜈蚣聞氣來侵神妙神妙。

舌 拔疔 外科全書夏月患疔用蝦蟆舌一個研爛蟾肚皮蓋貼其根自出

土檳榔 粵西叢載狀如檳榔在孔穴間得之新者猶軟相傳蟾蜍矢也不常有之 主治惡瘡

蝦蟇黃 物理小識余岸少養蜘蛛以小者飼大者久之以殊砂飼大者數十日滿身皆赤其腹有黃

入藥用去醫開警

藥蜂鍼 物理小識取黃蜂尾鍼合硫煉加冰磨爲藥置瘡瘍之頭以火點之灸瘡上本草未載此法須先以溼紙覆瘡先乾者卽瘡頭灸之

驢龍 物理小識驢腹中虻也方體方目有足可以小使入房術用與臯厭黑兜蟲瓦雀卵衛子莖墮

蛤蚧吉吊脂同功

龍蝨 閩小記云龍蝨形如小螻蛄又似金龜而黑色每八月十三至十五日飛墮漳州海口餘日絕無 除面上黥點赤氣食之良兼美男女顏色活血 物理小識智少隨老父福甯曾見龍蝨後在

姚有僕署中食此云自濠鏡來則他處亦出此何漳獨異也蓋是甲蟲大如指頂甲下有翅熏乾油潤去甲翅啖似火魚之變味

洋蟲糞 一名九龍蟲出外洋明末年始傳入中國或云出大西洋康熙初年始有此物形如米蟬子

初生蟻如小蠶久則變黑如豆瓣有雌雄今人用竹筒置穀花飼之性極畏寒天冷須藏之懷袖中夜則置衾褥間否則凍死得人氣則生極蕃衍有飼以茯苓屑紅花交桂末者則色紅而光澤可愛

入藥尤良 性溫行血分煖脾胃和五臟健筋骨去溼接風壯陽道治怯弱○附治各症兼引○老人不寐茯苓引○小兒夜啼硃砂引○女童夜溺枸杞引○少婦陰寒附子引○癰疽發背沈香末

引○舌燥作渴麥冬引○眼目閉痛甘草引○耳鳴耳聾當歸引○感冒風寒防風引○中溼瘧毒

蒼朮引○跌打損傷全蠍引○酒醉傷人葛花引○怒氣傷人沈香引○絞腸痧痛青蒿引以上十

四症俱用蟲十四個好陳酒沖服 治刀斧傷用蟲搗敷卽愈○癩癬用蟲九個木香湯送○打傷

用九個黑棗薄荷湯送○黃疸痧用十二個薄荷燈心湯送○哮喘用九個薄荷湯送○眼脹用七

個薄荷湯送○傷食用九個薑湯送○水毒用九個薄荷燈心湯送○氣痛用九個檳榔湯送○中

風不語用二十四個薄荷燈心湯送○小肚痛用九個薑湯送○急慢驚風用九個薄荷杏仁湯送

風不語用二十四個薄荷燈心湯送○小肚痛用九個薑湯送○急慢驚風用九個薄荷杏仁湯送

風不語用二十四個薄荷燈心湯送○小肚痛用九個薑湯送○急慢驚風用九個薄荷杏仁湯送

風不語用二十四個薄荷燈心湯送○小肚痛用九個薑湯送○急慢驚風用九個薄荷杏仁湯送

風不語用二十四個薄荷燈心湯送○小肚痛用九個薑湯送○急慢驚風用九個薄荷杏仁湯送

風不語用二十四個薄荷燈心湯送○小肚痛用九個薑湯送○急慢驚風用九個薄荷杏仁湯送

風不語用二十四個薄荷燈心湯送○小肚痛用九個薑湯送○急慢驚風用九個薄荷杏仁湯送

○喉痛用二十四個薄荷銀花湯送。脾風用二十四個酒送。胃痛心疼用七個木香末沖酒服。無名腫毒用十六個陳酒送五更服。痘疹用七個米湯沖服。膨脹用二十四個薄荷陳皮湯送。嘔吐痰火用七個淡薑湯送。乍寒乍熱口乾舌燥用七個陳皮半夏煎酒沖服。五勞七傷白茯苓三錢用七個搗爛每日空心酒沖服以復元爲止。瘡後寒熱不調用七個以未發之先沖酒服三次卽止。夢遺白濁血淋白帶以芡實三錢微炒研末白果五枚去皮心先將藥搗爛再加淫羊藿二錢去邊廣皮二錢韭子三錢同煎用蟲七個酒沖服。赤白帶及產後等症以香附炙芪烏劉骨各八分酒煎用蟲七個沖服卽愈。氣急咳嗽以川貝母二錢牛蒡子當歸陳皮淮牛膝各八分水煎服如婦人去牛蒡子加益母炒香附各三錢水煎沖服三次神效。腰痛以破故紙二錢雄豬腰一對竹刀剖開去衣將破故紙內入酒蒸熟爛加桔梗二錢爲末用七個搗沖酒服神效。痢疾白痢用紅糖紅痢用白糖陳酒沖蟲七個服。水瀉不止豬苓白朮各一錢陳酒煎沖七個服之忌油膩魚腥等物。偏正頭風以川芎防風荆芥蟬蛻各一錢細辛八分陳酒煎沖七個服之忌生冷葱韭等物。骨節酸痛胃寒等症以川芎白朮各八分酒煎沖蟲七個服三次卽愈。吐血不止喘息燥熱等症以古墨研濃貝母三分研末蟲七個陳酒沖服七次愈。小便不通以燈心車前各七根蟲七個陳酒沖服。飽悶成痞肚腹腫脹用酒沖七個服三次。翻胃隔食以生薑七片裝布袋內入糞坑浸七日取起清水洗淨埋土中一層薑一層土七日取起用陰陽瓦焙乾研末每次一分用蟲七個沖酒服三次愈。吐血以藕節茅草根洗淨酒煎用人乳酒各半沖七個服三次愈。筋骨疼痛以核桃肉三錢陳酒沖蟲七個服。勞嗽以牛骨髓三錢核桃肉三錢共爲末入蟲七個再搗爲丸每丸三錢每日五更衝化一丸九日見效。痿症蛇麻子三錢煎湯沖蟲九個服三次卽愈久服延年種子。經水不調以香附陳皮益母草當歸元胡索各八分水煎和酒沖蟲七個服之卽愈久遠者連服數次其效如神。產後崩症以香附白芍益母草當歸陳皮茯苓白果蘇木各八分酒沖蟲七個服三次卽愈。藥性考洋蟲色黑形如壁蝨活吞數枚止血勞性。糞。如蠶砂狀金御乘云研末敷金刃傷立結痂止血最效。

蟋蟀

綱目於竈馬下附促織僅列其名云古方未用附此以俟考。性通利治小便閉。藥性考蟋蟀辛鹹溫能發痘勝於桑蟲。治跌蹠傷小肚尿閉不出。養素園集驗方用蟋蟀一枚煎服立驗。

小兒遺尿 慈航活人書取全蟋蟀一個焙末滾水下照歲服如兒十一歲者每次服一個服至十一個爲止。治男婦小水不通痛脹不止。集聽用蟋蟀一個陰陽瓦焙乾爲末白滾湯下小兒半個卽通。催生 趙際昌云關蟲之戲蟋蟀最盛其百戰百勝者俗呼爲將軍其蟲至冬必死勿輕棄去留

以救產厄神驗凡產不下用乾者一枚煎湯服卽生并無橫倒之患許景尼云關蟋蟀家冬則封查待其自死成對乾之留爲產科痘科用須成對者入藥 治水蠱 朱煥齋任城日鈔云促織可治水蠱昔有人患水蠱百治不效一日偶飲開水水中先有促織一對在內其人倉卒一併吞之越數日其病漸消方知促織可治此症後傳此方數人無不驗者一對不足連服二三對自效

炸蟻 綱目蟲蟲僅引拾遺佩藥一條並無主治 按炸蟻初夏大火始有得秋金之氣而繁性竄烈能開關透竅一種灰色而小者名土礫不入藥用大而青黃色者入藥有尖頭方頭二種救生苦海五虎丹中用之治暴疾氣閉大抵取其竄捷之功爲引也 味辛平微毒性竄而不守治咳嗽驚風破傷癆折 損凍瘡癩疹不出 治鷓鴣瘟 王氏效方鷓鴣瘟其症咳嗽不已連作數十聲類哮喘非哮喘非喘小兒多患此取穀田內炸蟻十個煎湯服三劑愈○百草鏡云鷓鴣鬱小兒有之其症如物哽咽欲吐難出之狀久之出痰少許日久必死治以乾炸蟻煎湯服 破傷風 救生苦海治破傷風用霜降後稻田內收方頭灰色炸蟻同穀裝入布袋內曬乾勿令受溼致生蟲蛀壞常曬爲要遇此症用十數個瓦上煨存性酒下立愈 痧脹 養素園集驗方用炸蟻五六個煎湯溫服凍瘡 養素園待驗方用方頭黃色炸蟻風乾煨研香油和搽亦可 小兒驚風 李氏表方用炸蟻不拘多少煨存性砂糖和服立愈○一方治急慢驚風大小人多寡用之前服○王立人易簡方用螞蟻焙乾爲末薑湯調服少許立愈 急慢驚風 百草鏡霜降後稻田中取方頭黃身炸蟻不拘多少與穀共入布袋內

風乾常曬勿令受溼蟲蛀遇此症用十個或七個加釣籐鈎薄荷葉各一撮煎湯灌下渣再煎服重者三劑愈李東來常施此藥據云山東王蟲尤妙每服只須二個○王站桂不葉良方急慢驚風先用白鳳仙花根汁半盞服下卽用方頭炸蟻焙乾研末滾水調下卽愈 產後冒風 王良生救急方乾炸蟻數十個瓦上煨存性好酒調服

淮東子 今名跳蝦蟲生溼土中形如跳蚤而大逾倍色如蝦青腹下多足如蝦善跳躍兒童以器置於水中捕得輒投入便不能躍出秋時鬪蟋蟀家多畜之凡蚤遇鬪傷及虛羸必每日以此飼之云能益

登力也其性最竄捷能達透經絡皮裏膜外無不行到 治風痺去溼痺

燈蛾 今古方無人藥者祝氏效方有治痔管法用蜣螂一個同撲燈蛾十個放罐內一宿加麝香一錢陰乾爲末吹入管內自能出水水乾卽愈

蠅虎 古今註蠅虎蠅狐也形似蜘蛛而色灰白善捕蠅一名蠅虎子潛確居類書一名蠅豹身黑嘴有

雙肉爪攫蠅而食兩目似虎炯然生光易曰震來虩虩雅俗稽言曰蠅蠅虎也常若多懼故取象焉○

按蠅虎亦蜘蛛之屬腹亦有絲而不能結網惟居牆壁捕蠅食其體灰褐色身上有微毛嘴有兩鉗翕

吸頻動跳躍如虎亦有純白色兩目朱色絕可愛兒童捕置器中捉蠅以飼之視其捕躍爲戲此物

上海醫學書局印

未聞入藥故溯湖編目壁錢螿蟻皆列入而此獨遺之今徐氏驗方云其性頻動而不靜取以調血脈治跌打因錄其方以備品云 治跌打損傷 徐順之驗方取蠅虎數個研爛好酒下

竈馬 今之竈馬俗呼馱郎又作蟯螂網目所謂蜚蠊也網目蟲部亦有竈馬形如蟋蟀今人名竈壁雞又與蟯螂別瀕湖於蜚蠊條下無治疔疳諸法今備錄之 拔疔 集聽竈上蟯螂不拘多少搗爛敷之其疔根自出○卿子妙方蟯螂蟲其黃紫色甚臭者取數個用患者自吐唾沫幾口研爛敷瘡四圍頂上露孔使毒氣從孔出一日愈矣○邵仲遠方治疔瘡取蟯螂大者七個去頭足殼將砂糖少許同搗爛敷疔四圍露出頭晝夜即愈 藥性考竈馬拔刺搗塗有效 解諸疔毒 傳信方

竈上紅蟯螂五個研爛熱酒沖服取汗為度 紅絲疔 傳信方蟯螂一個去頭和青糖搗爛搽上即效 白火丹 葉氏方用蟯螂瓦上焙乾為末白滾湯服一二個立效兼治疔瘡 對口 活人書桂州荔枝肉二三枚蟯螂二三個同搗如泥敷露頭數次即散 無名腫毒 慈航活人書蟯螂

十個鹽一撮同搗爛敷之留頭 治諸毒惡瘡 嚴氏家用方蟯螂搗石灰敷之 痧症 周廷園方活蟯螂蟲二三個用紙包竈上焙乾研細冷水和灌或吐或瀉即愈 吐血 徐雲生方取蟯螂五個止去翅淨在火盆淨瓦上焙乾為末紙包安土上存性用溼腐皮包一個滾湯吞下每日如此吞五日不可間斷 氣虛中滿 醫宗彙編以蟯螂七個為末用地枯髓煎湯送數服愈 噉脹

家寶方蟯螂一個焙乾蘿蔔子一撮共炒為末好酒吞十日全愈 一切兒疳 集聽云凡小兒患疳疾不拘何等疳垂死者皆效取竈上蟯螂焙乾與之食患者但聞其香不知有腥臭之氣猶中蠱者食豆無辛合礬不苦也有患此症治之無不效只須食一二次即愈愈後體更肥白且屢試屢驗

○百草鏡云兒疳初起用蟯螂去頭足翅新瓦焙乾常與食之百個病愈

水馬 綱目名水黽於主治下云令人不渴殺雞犬不知有治疔之功更為補之按水馬四五月內出浮水面身硬腳長池沼中甚多性喜食蠅子在甌親見小兒捕之嬉戲用釣竿繫繩繩頭穿一蠅擲水面誘之即來以四足抱蠅不放因而獲之 治疔 東醫寶鑑有水馬散夏月三伏內於止水中採婆子一名水馬兒高腳水面跳走是也採取三十個用三個紙包每包十個於背陰處懸掛陰乾每包作一服研爛空心酒調下良久乃吃飯三日連三服十日內效久疔膿血者一三十服絕根

壁蝨 俗呼臭蟲以其氣腥穢觸鼻故名行必南向為南方穢溼所產今江南北人家多有之稍不潔即生此物亦有遠行於旅店驛舍中帶入衣被歸家即生極易蕃育一日夜生九十九子與蝨斯同其形儼如半粒豌豆老則黑次則棗皮紅初生者色黃而細小其子如蟻子白色卵生與蝨同初生便嗜人生一二日即能稊殼愈稊愈大漸漸而老色轉紅而黑老者嗜人愈多藏藁薦中及壁內或桌檯牀縫間其身扁而易入至冬則入蟄多藏泥沙山穴中及古樹根下交春皆啟蟄而出入人家壁木內藏

縫間其身扁而易入至冬則入蟄多藏泥沙山穴中及古樹根下交春皆啟蟄而出入人家壁木內藏

性畏蟻山中有一種紅蟻喜食之故近山及山寺僧舍此物甚少有帶入者輒爲山蟻銜去其蟻人尤狡黠不與蚤蝨同昔人謂暑時有五大害乃蠅蚊蚤蝨臭蟲也然蠅蚊必爲晝夜蠅可揮拂蚊可設帳蓋則暑時裸浴生者絕少蚤則因土溼而生夏時土乾亦不甚患惟此最可憎無分晝夜潛身牀褥及几闌間善識人氣伺人一徙倚即啣其膏血腫塊疊累如貫珠然愈爬搔則愈大痛癢難禁小兒肉嫩尤遭其苦輒蚪號不已或云其物口有白氣一二寸嚙人能隔席穿膚吮血索之不可得在牀褥輒夜聚曉散率其醜類待人倦睡而恣噉焉古方辟除之法甚多無一驗者惟蓆下鋪零陵香草及樟腦可稍殺其勢然隔一二日藥氣減則橫虐愈甚惟用真揚州安息香塗上好銀硃爲衣燃牀下周圍以席護令烟薰透則壁蝨盡死子亦不能復生第香氣惡烈觸鼻令頭痛須熏後停一二日方可臥宿貧家何能辦理古云南方淫氣生短狐此亦淫淫腥穢之氣所感而生凡勤潔之家鮮有之閩人云此蟲滾水泡死者能復生惟以冷水浸死不能復生山堂肆考壁蝨身扁而臭不能跳善蓄人名曰麥蚤又名扁蝨五雜俎壁蝨閩人謂之木蝨多杉木所生治者以蕎麥燒灰水淋之江南壁蝨多生水中惟延綏生土中遍地皆是入夜則緣牀入幙啣人遍體成瘡雖徙至廣廈懸牀空中亦自空飛至事物紺珠壁蝨一名壁駝扁小褐色瘦而嚙人六書故扁蝨着牛馬食其血產薦葶閒差小啣人膚俗謂薦蠅又名麥蝨今人訛爲壁矣是古人雖有其名從無入藥者綱目并不列其品近來治療有用此者故錄之見天下無棄物也 氣腥味微鹹性平在土者有毒 凡用壁蝨須置溫水中令其臭氣洩盡入藥 治咽喉 集聽方用壁蝨十枚滴花燒酒浸服 飯後 百草鏡云用臭蟲研塗 廉瘡臭爛 西亭藥鏡用臭蟲同水龍骨搗和麻油調敷出盡黃水立愈 眼生偷鍼 臭蟲血點之即散 海上方有用壁蝨治小兒驚風用壁蝨於淨水中漂去臭氣焙乾入藥 拔疔 楊氏經驗方臭蟲同米飯搗勻搽疔上能立拔疔根外出 鯨魚刺戟 醫宗彙編四谷荷香葉使鹽花燒酒搗糊瘡上如口久爛用臭蟲剉去頭傳之

叩頭蟲

形黑如大豆以手按其身其頭能俯屈剝到有聲出南方者小而力微北土者大而力厚小兒捕

之爲戲入藥用大者試法取蟲置桌翻其背令仰少頃便跳起三四寸有跳起過五六寸及尺許者力更大綱目以之附蟲蚤後亦不言主治之功此蟲北人謂之跳百丈 治腰脚無力與山螞蟻子並入壯藥

用百草鏡云外用可絕瘧叩頭蟲一個安眉心蟲頭向上膏藥蓋住過時自愈 大九九 彙集此馮嘉

寶方痰藥酒洗炒去酒刺白茯苓白芍茯苓酒洗無名自然銅醋煨七次一兩乳香沒藥硃砂飛過血竭青鹽各五

故紙蕙苾仁各一兩五錢牛膝酒洗無名自然銅醋煨七次一兩乳香沒藥硃砂飛過血竭青鹽各五

錢天雄二兩童便浸五日象鱉一個去頭足翅如無用土鱉代之跳百丈十個去足虎骨二兩酥油炙上

藥俱爲細末煉蜜丸二錢半重早晚鹽湯或黃酒送下少時用力行功散於四肢

上海錦章書局石印

沙雞母 物理小識土鼈是象房尿中所生或以旋土成窩者充之不知旋土窩者乃沙雞母非土鼈也

同金墨磨塗口瘡

禾蟲 閩廣浙沿海濱多有之形如蚯蚓閩人以蒸蛋食或作膏食餉客為饌云食之補脾健胃廣志夏暑

雨禾中蒸鬱而生蟲或稻根腐而生蟲稻根色黃蟲乃稻根所化故色亦黃大者如節許長至丈節節有

口生青熟紅黃霜降前禾熟則蟲亦熟以初二及十五六乘大潮斷節而出浮游田上網取之得醋則

白漿自出以白米泔濾過蒸為膏甘美益人得稻之精華者也其醃為脯作醃醬則貧者之食○吳震方

嶺南雜記禾蟲絕類螞蝗青黃色狀絕可惡厭潮所淹沒淡水田禾根內出數尺長至丈餘寸寸斷皆

活能游泳午後即取不可食滴鹽醋一小盃裂出白漿蒸雞鴨蛋牛乳最鮮○粵錄禾蟲狀如蠶長一

二寸無種類夏秋間早晚稻將熟禾蟲自稻根出潮長浸田因乘潮入海日浮夜沈浮則水面皆紫采

者以巨口狹尾之網繫於杙逆流迎之網尻有囊重則傾瀉於舟 補脾胃生血利溼行小便瘡瘍勿

食能作膿

茄稗蟲 此蟲生茄稗內梗上有蛀眼內即有蟲其蟲帶綠色黑嘴者是 治男女童癆 劉羽儀經驗

方云男女童癆其症不必如大人咳嗽吐血洩精只是身體瘦弱皮毛焦枯肌膚微熱急宜早治用

野茄稗內蟲取數十條私和在食物之內與病者吃數次即愈

櫻蟲 滇南各甸土司記櫻蟲產騰越州外各土司中穴居櫻欄木中食其根脂汁狀如海參粗如臂

色黑土人以為珍饌土司餉貴客必向各峒丁索取此蟲作供連櫻木數尺解送剖木取之作羹味

絕鮮美肉亦堅韌而腴絕似遼東海參云食之增髓益血尤治帶下彼土婦人無患帶者以食此蟲

也 治赤白帶腸紅血痢其行血而又能補血功同當歸

蔗站 漳泉種蔗田中出一種蟲如蠶食蔗根名蔗站土人食之味甚甘美 發痘行漿托癰清毒化

痰醒酒和中利小便

桃絲竹蟲 此桃絲竹上所生竹蟲李氏草秘云瘡疔瘡痘疔最妙

牙卑樹蟲 救生苦海云此樹大如錢粗者方得有蟲但取之有法以利刀速砍其樹遲則蟲即下行人

根不可得其蟲子時下行過午則上行須午後伐取 治一切腫毒初起其蟲有大大者用一條小

者用二條證輕者用一條證重者用二條或三條播爛酒調服已膿者不治

黃麻梗蟲 須秋時先收取以葱管藏之○百草鏡麻蟲生麻梗近根上一節中二月化為飛蟲穿穴去

山左人每於刈麻時將蟲連麻梗寸斷布袋裝盛帶至南方貨與養禽鳥家飼畫眉百翎之用云其蟲

性暖去風行血鳥食之可以禦寒蟲形如小蠶細長明淨入藥須連麻梗蒸焙用如用生者須以蔥藏

治疔 程林即得方用黃麻梗內蟲以葱葉包貯掛風頭令乾將疔瘡挑破以麻蟲少許入於所挑

之處瘡卽化爲水而愈。○陶節菴治疥蝨螞蟻膏用蝨蟻三個肚白者佳黃麻蟲十個二味搗勻破患處貼之如患在手足有紅絲上臂絲盡處將鍼挑斷出血仍用前藥毒重者更服敗毒藥。○葉氏方用黃麻梗中蟲一條焙乾爲末酒調服下疔化爲水。

芝麻蟲 生芝麻梗中三更輒從下而上至頂食露五更輒下取之以夜性熱助陽入韓箔用 去痔管

用脂麻蟲如蠶綠色取焙乾爲末開水送下每日一錢服七日其管自出

桐蛀 李氏草秘生桐油樹中卽木蠹也最治惡腫毒取七根焙末沖酒服卽愈

牛膝蛀 李氏草秘蟲生牛膝草節中香油浸製 治指頭毒晝夜痛不可忍者敷上卽愈

山螞蟻窩子 朱樂只云山草中有之係草樹之葉結成大者如斗冬月取之蟻在土而不在窠矣。○救

生苦海山蟻窠深山內大樹根中有之十一月或正月草枯時尋取有二種一種大如升斗色黃柔軟

形如乾黃爛葉又若柔皮紙窠皮上層層有刷紋成暈若虎頭俗呼虎頭螞蟻窠不知何物所造惟內

中多筋其筋係松毛草莖之類也抽去內中筋及泥土用之一種色白係是泥土所爲其形有類松皮

研入入藥 久不收口爛瘡貼之卽收口 治刀傷出血 救生苦海用山蟻窠抽去內中筋及泥土

包裹傷處再用布縛卽血止收口沈氏傳云冬月用之有驗如神 禿瘡 周氏傳方山蟻窠中土

鹽瀉調敷數日卽愈 生皮結疔。○凡瘡膿腐已盡新肉已生不肯收口用山蟻窠搓去草泥等物扯

開貼之卽結疔生肉。○張聖來云山蟻生深山窮谷中頭如虎有牙鉗甚銛利有翼能飛凡虎食人過

飽則醉醉後卽吐蟻食其唾餘則形變虎頭而生翼卽以其所吐涎嚙樹汁草漿和山土釀如泥綠樹

枝成窠其窠重疊如蜂窩內有臺外則黃白紋大如斗掛樹枝上山人見其窠以烟熏去蟻採之入藥

窠數金刃傷止血定痛生肌收口 窠中臺治發背百鳥朝王毒 窠上綠枝治蛙毒

子 白如糶米俗呼狀元子大力丸用之然微有毒食之作脹綱目蟻下僅存其名無主治近行伍中營

醫以此合壯藥頗效 益氣力澤顏色 敏按蟻有各種入藥用窠則取山蟻窠蓋山蟻形大在草中

或樹根內作窠其子粗如粒米入藥力太猛用子以黃色細蟻所生子爲佳蓋此蟻力最大能舉等身

鐵故人食其子亦力大也。○宦遊筆記廣人美味有蟻子醬於山間收蟻卵淘淨滓垢以爲醬詫爲

珍品則其子亦無毒矣

蛆窠 王安采藥錄大窠坑內有蛆蟲窠如白蒲子樣挂在蓬堞內者取來淨去泥灰曬燥焙用 治癩

瘡疥蛙一切蟲蛙爛孔外科收口藥用 疔瘡蛙梗 柴氏獨妙方用糞坑內蛆蟲窠在蓬屋內者形

如白蒲子而小取來不拘多少放在罐中焙燥爲細末貼小口瓶內瓶口以細綿紗包紮覆轉輕輕

敲彈少許藥末於瘡口內如有小蛙眼藥末不能入用麥草程吹藥入細孔內每日三五次其蛙爛

者肉孔自能長平神效無比

蟲部 芝蔴蠶 桐蛀 牛膝蛀 山蟻窠窩子

上海錦章書局石印

死人蛀蟲人蚘

此檢尸場中棺內死蛆也唐怡士云凡人死後魂魄散盡其生氣有未盡者肉爛後

悉腐而為蛆攢嚼筋骨久之蛆亦隨死故強死者棺中無不有黑蛆凡用須問作於尸場收之

治大麻瘋癩疾 赤水元珠治大麻瘋癩疾秘方用死人蛆蟲洗淨錫片上焙乾為末每用一二錢

阜角刺煎濃湯調下若腫而有疔瘡者乃陽明經溼熱壅盛先以防風通聖散服二三帖然後再服

此藥有補助以阜鍼為引故能達表能久服之極有神效非泛常草木可比也○醫學指南有治大

麻瘋秘方用人蛆一升細布袋盛之放在急水內流之乾淨取起以麻黃煎湯將蛆連布袋浸之良

久取起曬乾再用甘草煎湯浸曬乾又用苦參煎湯浸曬乾又用童便浸曬乾又用葱薑煎湯投蛆

入內不必取起就放鍋內煮乾焙為末每一兩加麝二錢蟾酥三錢共為一處入瓷器內每服一錢

石薺花煎湯下花即山中石上生白薺如錢樣用蒼耳草煎湯洗浴然後服藥七日見效體壯者一

日一服體弱者二日一服即愈 治勞瘵能驅尸蟲以賊攻賊之義跌蹠絕邪瘧尸蛀石疣 驅瘵

蟲 吳秀峯虛勞論云瘵有蟲為溼鬱所化在外為蠱在臟腑為蟲用死人身上蛆蟲製令潔淨焙

乾和藥服之則瘵蟲化為水下

人蚘 陳所安今見錄近有一種不肖奸徒輒於攢殯左右勾賄寄尸寄尸者以產賃人厝棺杭人呼

為開寄場每有七日內之出厝棺木到場即被昏夜取棺竊取人蚘貨與方術家及走醫為夾棍藥

并治跌打絕邪瘧等用子初不解人蚘為何物後詢唐博士與宜博士家有老僕來升曾見之云凡

人死七日外遍身肌肉腐如漿心氣散漫蒸為人蚘形如九龍蟲而小色赤如血光滑異常男女皆

有入藥男棺者佳其取之法用大鑽於棺和頭前鑽一大孔以香糟塗孔外內蟲聞糟氣皆從孔出

其蟲雖有甲而不能飛用手搦投入小瓶中燒酒浸陰陽瓦上焙乾用 按人死血肉腐為蟲或為

蛆或為蚘形各不一或云二物並生或云一物先後互化又有云貧窮者多蛆少蚘富厚者多蚘少

蛆第勿深考並存其說以俟博雅君子折衷焉

虹蟲 物理小識虹為淫氣方士於東海見虹處掘地得蟲紅色得之入術用 媚藥益緯箔同紫稍

花功力更大

本草綱目拾遺跋

本草綱目拾遺十卷乾隆間吾杭趙恕軒先生所著利濟十二種之一也十二種者醫林集腋養素圖傳信方祝由錄驗囊露集本草話申雅花藥小名錄升降祕要撮生閒覽藥性元解奇藥備考及是編也全目及總序備載如是編卷首鮑氏彙刻書目亦載十二種之目但有傳鈔本皆未刻至嘉慶末年傳鈔本則止有是編與申雅二種其十種已不傳且是編每藥品下論列各條顛倒錯亂眉目不晰余因訪知杭醫連翁楚珍藏其稿本假閱乃先生手輯未繕清本者初稿紙短續補之條皆黏於上方黏條殆滿而未注所排序次故傳鈔錯亂耳余乃按其體例以稿本校正排比傳鈔本之誤然後各條朗若列眉還其舊觀原稿本仍歸返連翁迨庚申寇亂翁家原稿本亡失申雅亦佚余編繕此本幸攜帶僅存得存先生遺著之一亦足寶重矣余又聞雍乾閒杭人汪君懷著有草藥綱目一書哀然大部與瀕湖綱目等其稿未傳鈔訪諸其族人皆未見想已湮沒失傳恨未得其書與李氏趙氏鼎峙爲本草之大全也惜哉同治甲子秋日錢唐張應昌仲甫氏撰